




# ISIKKIVIK 2025

Naalagaaffiup isertortumik paasiniaasartuisa nunap avataani pisut tunngavigalugit kunngeqarfiup Danmarkip sillimaniarnernik nälliinerat



FORSVARETS  
EFTERRETNINGSTJENESTE

## NAALAGAAFFIUP ISERTORTUMIK PAASINIAASARTUISA KUNNGEQARFIMMUT DANMARKIMUT AARLERISAARUTIT PILLUGIT NALILIINERI PINGAARNERIT

**ISIKKIVIK**-mi nunap avataani pisut tunngavigalugit Kunngeqarfiup Danmarkip sillimaniarneranik naliliineq danskillu soqutigisaat allaaserineqarput. Kunngeqarfik Danmarki avataanilu aarlerisaarutit pillugit naliliinerit pingaarnert sisamat ilaat ataaseq ISIKKIVIK-mi sammeneqarpoq. Ilai tassaapput:

- **Danmarkimut peqqarniisaarinissamut aarlerisaarutininik naliliineq**, Center for Terroranalysemi naalagaaffiup peqqarniisaarfigineqariataarnissaata ilimanassuianik naliisarpaq kiisalu Danmarkimut danskillu soqutigisaannut peqqarniisaarnissamut aarlerisaarutit allaaserisarlugit.
- **Danmarkimi, Savalimmiuni Kalaallilu Nunaanni isertortumik paasiniaasoqarsinnaaneranut aarlerisaarutininik naliliineq**, PET-mit saqqummiunneqartartoq, naalagaaffiit allat Danmarkimi isertortumik paasiniaasarnerannik allaaserinnittoq, pingaartumik isertortukkut paasiniaanerit, teknologinik paasisanillu nutaanik sunniiniarneq peqquserluttumillu pissarsiniarneq.
- **Danmarkimut Qarasaasiakkut Pinerlunnikkut Aserortereratarsinnaaneq**, Styrelsen for Samfundssikkerhed (SAMSİK) naalagaaffimmi qarasaasiakkut pinerlunnikkut aserortereratartoqarsinnaanerannik, qarasaasiakkut pinerlunniarnernik, qarasaasiakkut suliniuteqarnerit, qarasaasiakkut pinerlunnikkut aserorterinerit qarasaasiakkullu pinerlunnissamut aarlerisaarutininik allaaserinnittarpoq, naliliisarunilu.

# SIULEQUT

Asasara atuarteq

Kunngeqarfik Danmarkki ukiunut arlalinnut naleqqiullugu aarlerisaarutini sakkortunernik amerlanernillu sillimaniarnikkullu politikikkut unammilluteqalerpoq. FE tamanna pillugu ISIKKIVIK-mi allaaserinnippoq, Kunngeqarfik Danmarkip sillimaniarnikkut politikia pillugu inuiaqatigiit akornanni oqallinnermut tapiliussatut ukiormoortumik saqqummersitsilluni.

2025-mi Ruslandimit aarlerisaarutit pillugit naliliinerit arlalit FE-p saqqummiussimavai. Februarimi Ruslandip sakkutooqarnikkut piginnaaneqarnerata aarlerinassusia allaaseraarput, oktoberimilu toqqissisimanermut innarliiutit Ruslandip massakut NATO-mut nunanullu killernut atugai allaaseralugit.

Ruslandi pillugu naliliinerit pingaarnerit ISIKKIVIK-mi 2025-mi takoqqissinnaavasi taamatullu nunanit allanit aarlerisaarutit pingaarnerit sillimaniarnikkullu politikikkut unammillutit nalilernerit ilanngullugit. Tamakkununga ilaapput Issittoq pillugu naalagaaffissuit ajugaanniunneri, Kinap pissaaneqarnerisaarusunnera kiisalu islamisiortut sakkutuuisa peqqarniisaarnissamik aarlerisaarutaat.

Decemberip 2-anni 2025-mi aaqqissuineq naammassineqarpoq.

Atuarluarina.



**Thomas Ahrenkiel**

Naalagaaffiup isertortumik paasiniaasartuisa pisortaat

# IMARISAI

|    |                                                                              |
|----|------------------------------------------------------------------------------|
| 03 | SIULEQUT                                                                     |
| 06 | INERNILIINEQ PINGAARNEQ                                                      |
| 08 | NUNARSUARMİ PİSSAANERİT AGGUARNEQARNERAT                                     |
| 14 | RUSLANDI                                                                     |
| 26 | SAMMİSAQ: SUNNİINIUTİT ASSİGİINNGİTSUT                                       |
| 30 | İSSİTTOQ AVANNARLEQ                                                          |
| 40 | SAMMİSAQ: ATAQATİGİINNIKUT AAQQİSSUUSSİNERNUT<br>QAJANNARTUNUT SİORASAARUTİT |
| 42 | KİNA                                                                         |
| 52 | PEQQARNİİSAARİNEQ, TUTSUİGİNANNGİSSUSEQ<br>NUTSERNERİLLU                     |
| 62 | İSUMASİUTİT                                                                  |

**RUSLANDI****14**

Ruslandip NATO isumaqatigisin-naangitsutut isigaa iligiinnullu assigiinngitsunik saassussuarpooq soorlu akornusiiumalluni aserorterinerit qarasaasiarlu atorlugu aserorterinikkut.

**SAMMISAQ:  
SUNNIUTIT  
ASSIGIINNGITSUT****26**

Ruslandip sunniutiutit assigiinngitsut atortarpai NATO-mi nunat politikikkut ataqatigiinnerat aalajangersinnaanerallu sanngiilli-sarniarlugu.

**NUNARSUARMI  
PISSAANERIT  
AGGUATAARNEQARNERAT****08**

Naalagaaffissuit namminneq soqutigisatit salliutinniarnerulerpaat pissaanerlu atorlugu tamaku anguniartarlugit.

**ISSITTOQ  
AVANNARLEQ****30**

Ruslandi, Kina USA-lu assigiinngitsunik issittumi avannarlermi soqutigisaqarput, tamarmilli imikkut tassani annertunermik sunniuteqarusupput.

**SAMMISAQ:  
ATAQATIGIINNIKKUT AAQQIS-  
SUUSSINERNUT QAJANNAR-  
TUNUT SIOORASAARUTIT****40**

Pingaartumik Ruslandi, aammali nunat aallat nunani killerni ataqtigiinnikkut aaqqissuussanut qajannartunut annertuumik sioorasaarisupput.

**KINA****42**

Kinap kissaatigaa Asiami pissaa-neqarnerpaajunissani Taiwanillu Kinamut pinngitsaalillugu ilannguteqqinnissaa kissaatigaa.

**PEQQARNIISAARINEQ,  
TUTSUIGINANGISSUSEQ  
NUTSERNERILLU****52**

Europami peqqarniisaartoqariataartoqarsinnaanera suli ilungersunartorsiortitsivoq. Tamatumunnga pisuusut ilagaat Kangiani Qiterlermi ataavartumik allanngorartoqartuarmat akerritittoqartuarmallu.

# INERNILIINEQ PINGAARNEQ

Naalagaaffissuit namminneq soqutigisatik salliutinniarnernerperpaat pissaanerlu atorlugu tamakku anguniartarlugit. Ruslandip suli Ukrainimik tiguaaniarnini ingerlappaa, sakkullu assigiinngitsut toqqissisimanermillu innarliiniutit atorlugit NATO-mut nunanullu killernut sorsuppoq. Kinap aningaasaqarnikkut annertusiarortumillu sakkutooqarnikkut pissaanini naalagaaffinnut allanut nakuuniassutigai, Ruslandilu Ukrainimut sorsunera tapersersorlugu. Ruslandi Kinalu qitiullutik nunat allat peqatigalugit Nunat killit pingaartumillu USA-p nunarsuarmut sunnuteqarnera annikillisinniarsaaraat. USA-p aningaasaqarnikkut teknologikkullu pissaanini pissaaneqarniutigalugu iliminut suleqatiminullu atorpaa, USA-llu salliutitai suunersut nalorninarsisimavoq. Ukiuni aggersuni Kinap USA-llu ataqatigiinnertik qanoq ineriartortisaneraat nalorninarpoq, ungasissorlu eqqarsaatigalugu pilersaarusiornikkut unammillertuassapput.

Ruslandip NATO akerlimisut isigaa iligiinnullu toqqissisimanermik innarliiniutit soorlu akornusiiumalluni aserorterinerit qarasaasiarlu atorlugu aserorterinerit atorlugit saassusiarpoq. Danmarkip qanittuani Russit sakkutuui aamma aarlerisaarisarput. Amerikarmiut arlaleriarlutik sosukkunaarnissamut isumaqatigiinniartitsisarluartut, 2026-mi Ruslandip isumalluutaasa annertunersaat Ukrainimut sorsunermut tussagunarput. Ukiuni aggersuni Ruslandip sakkussianik sanaartornerat Europap sanaartorneranit annertunerussaaq. Tamanna ilutigalugu USA-p Europap isuman-naallisaaneranut isumalluutaanissaa nalorninarpoq. Tamatumas Ruslandip NATO-mut sakkut assigiinngitsut atorlugit saassussinissaanut piumanera annertusissavaa. Ruslandimit NATO-mut sorsunnissamik aarlerisaarutit massakkorpiat Kunngearfiup Danmarkip toqqaannartumik saassuneqarnissaanik aarlerisaaruteqangikkaluartuq annertusissapput. Tamatuma saniatigut Ruslandip kunngearfimmut Danmarkimut kilitissiat atorlugit paasiniaaneri, minnerunngitsumillu qarasaasiaq atorlugu nittartakkatigut paasiniaanerit anguniakkanut assigiinngitsunut ingerlappai. Taakku ilagaat NATO-mut sorsulissagaluaruni iluaqutissanik pissarsinissaq.

Ruslandi, Kina USA-lu assigiinngitsunik issittumi avannarlermi soqutigisaqarput, tamarmilli immikkut tassani annertunermik sunnuteqarusupput. Ukiut kingulliit USA-p politikikkut issittumi isumannaallisaanermi soqutigisani malunartumik annertusisimavai, Ruslandip illersornissamut piareersaatini ingerlatiinnarai, Kinallu issittumi tassani aqqartartoqarsinnaanini umiarsuarnillu umiartortitsisinnaanini sulissutigai. Ruslandi issittumi sakkutooqarnikkut nukittunersaajuarpog, nunanili killernit unammillerneqartutut imminut isigaluni. Taamaattumik Ruslandip annertusiar-

tortumik politikikkut sakkutooqarnikkullu qisuariarsaaraluni iliuutsini ilungersuunnerulissavai. Ruslandi ilaatigut nunanit killernit pillaatisiامينit eqqugaasimavoq taamaattumillu Kinap issittumi suleqatiginissaa annertuserusuppaa, Kinalu issittumi pigisaminut pisinnaatik-kusuppaa.

Kina USA-lu politikikkut teknologiikkut aningaasaqarnikkullu sakkortuumik ajugaanniupput. Kina ilaatigut Asiami naalagaanersatut inissikkusuppoq Taiwanillu Kinamut pingitsaalillugu ilannguteqqinnissaa kissaatigaa. Pissutsitaakku marluk pinissaannut Kina USA-mit pissaaneqarnerussasog pisariaqarpoq. Taamaattumik Kina sakkutooqarnikkut piareersarpoq Ruslandillu nunallu allat nunanut killernut ilaanngitsut suleqatigineri pitsanngorsarlugit sakkutooqarnikkut piareersarpoq. Tamanna ilutigalugu Kinap aningaasatigut teknologiikkullu ineriartortitsinermini nunanik allanik isumalluuteqannginnissani sulissutigaa. Kina qarasaasiakkut isertortumik paasiniaanissamut programeqarpoq, ilaatigut teknologiikkut ineriartortitsinerminut atukkaminik. Naliginnaasumik Kina nunanut killernut annertunerusumik akerleriilernissamut piareersarpoq.

Europami peqqarniisaartoqarsinnaanera suli ilungersunartorsortitsivoq. Tamatumunnga pisuusut ilagaat Kangia Qiterlermi ataavartumik allanngorartoqartuarmat akerleriit-toqartuarmallu. Ukiut kingulliit Europami islamisiortut peqqarniisaarniat saassusisarneri amerleriarsimapput, pingaartumik peqqarniisaarniaqatigut Gazami akerleriinnerit islamisiortut sakkutuunut saassussinissaanik isumassar-siorfigitittarmatikkut. Tamanna ilutigalugu Syriami allanngorartoqartuarnera Islamisk Stat pissaaneqarnerutilerpaa, Europamullu peqqarniisaarsinnaanera annertusillugu. Yemenimi iraniamiut tapersersugaat Houthi-mik ingerlatsisut, Det Røde Havimi umiarsuakkut angalasunut suli qunusaariput. Israelimiut akerleriinnerannut atatillugu Iranip israelimiunut juutinullu Israelimi najugaqangitsunut peqqarniisaarineq atorpaat.

A photograph of Xi Jinping and Uhuru Kenyatta. Xi Jinping is in the center, wearing a dark suit and a red and yellow striped ribbon on his lapel. Uhuru Kenyatta is to his left, also in a dark suit. They are standing outdoors on a grassy area. In the background, there are other people, including a person in a dark uniform and boots. The image is slightly blurred, suggesting movement or a shallow depth of field.

# NUNARSUARMİ PISSAANE- RİT AGGUARNEQARNERAT

NUNAT PISSAANİLLİT ANNERTUSİARTORTUMİK PIU-  
MASATİK ANGUNIARLUGİT ANİNGAASAQARNİKKUT  
SAKKUTOOQARNİKKULLU PISSAANEQARNEQ AQQUTI-  
GALU NUNAT ALLAT PINNGİTSAALİSALERPAAT



Naalagaaffissuit namminneq soqutigisatik salliutinniarnerpaaat pissaanerlu atorlugu anguniakkatik anguniartarlugit. Ruslandip suli Ukrainimik tiguaaniarnini ingerlappaa, toqqis-sisimanermillu innarliiniutit atorlugit NATO-mut nunanullu killernut sorsuppoq. Kinap aninga-asaqarnikkut annertusiartortumillu sakkutooqarnikkut pissaanini naalagaaffinnut allanut nakuuniassutigai, Ruslandillu Ukrainimut sorsunera tapersersorlugu. Ruslandi Kinalu qitiullu-tik nunat allat peqatigalugit Nunat killiit pingaartumillu USA-p nunarsuarmut sunniteqarnera annikillisinniarsaraat. USA-p aningasaqarnikkut teknologikkullu pissaanini pissaaneqarniuti-galugu iliminut suleqatiminullu atorpaa, USA-llu salliutitai suunersut nalorninarsisimavoq. Ukiuni aggersuni Kinap USA-llu ataqatigiinnertik qanoq ineriartortissaneraat nalorninarpoq, ungasissorlu eqqarsaatigalugu pilersaarusiornikkut unammillertuassapput.

2025-mi maajimi russit sakkutuuisa ingerlaaqatigiinneranni Ruslandip præsidentia  
Vladimir Putin Kinallu præsidentia Xi Jinping  
Novozhenina/Reuters/Ritzau Scanpix

■ Nunarsuarmi pissaaneqarneq nikissimavoq. Ukiuni kingullerni Kina annertuumik pissaaneqarnerulersimavoq, USA-lu nunarsuarmi pissaakinnerulersissimallugu. Kina USA-lu iligiinnikkut isumalluuteqarnikkut sunniuteqarneru-niupput, taammaattumik Kinap USA-lluunniit ineriartorne-rup ingerlanera naalakkersorsinnaangilaat.

Nunat, Nunat killiit avataanniittut, Kina pilersaarusiornikkut suleqatiginissaanut USA-mut taarsiullugu isumaqatigiis-suteqarfiginissaanik periarfissaqalersimapput. Nunat killiit pingaartumillu USA-p nunarsuarmut tamarmut sunniutkilli-sarnissaa siunertaralugu Kinap Ruslandillu nunat immisut isumallit katersorniarsaraat. Tamatuma saniatigut aamma USA-p isumalluutini qanoq pingaarnersiussanera i nalorni-narsisimavoq. Taamaanneratalu nunarsuarmi immikkoortu-ni nunat pissaanillit USA-mik Kinamilluunniit pingaarnerusu-mik suleqateqarnissaannik periarfissippai, imaluunniit ta-akku marluk oqimaatigiissumik suleqatiginissaannut.

Nunat pissaanillit piumasatik anguniarlugit aningaasaqar-nikkut sakkutooqarnikkullu pissaanertik atorlugu nunat al-lat annertusiartortumik pinngitsaalisalarpaat, tamatumalu nunat tamalaat akornanni tutsuiginassuseq suleqatigiin-nerlu sunnerpai. Ruslandip ukiut sisamassaanni ilaatigut Kinamit tapersorsorneqarluni Ukrainimut sorsunnini inger-lappaa, maannakkullu toqqissisimanermik innarliiniutit atorlugit Nunat killiit sorsuffigalugit. Kinap pingaartumik aningaasaqarnikkut pissaaneqarnini atorpaa, kisianni aam-ma nunanut allanut sakkutooqarnikkut aarlerisaarinerit sunniiniutillu assigiinngitsut atorlugit kimigiiserfigalugit. Ki-nap Ruslandillu attaveqatigiinnerat aatsaat taama qanitsi-gilersimavoq. Nunat taakku marluk suna tamaat isumaqati-gissutiginnngilaat, ataatsimulli soqutigisatik aallaavigalugit suleqatigiisinnaanerulersimallutik.

Tamanna ilutigalugu Kina Manerassuarmi USA-mut sorsus-sagalaruni akiuussinnaanissaminnut piareersarpoq. Taa-maattumik Ruslandi Kinalu sakkutooqarnikkut illersornis-samullu piareersarput. Tamatuma Nunat killiit namminneq sakkutooqarnikkut illersorsinnaanissamullu annertusaasa-riaqarnerannik pinngitsaalivaat. Nunat killiit annertusaane-rat iluatsinngippat Ruslandip Kinallu immikkut Østersømi Taiwanillu imartaanni sorsulernissamut piareersimassam-mata ukiut arlaqanngitsut qaangiuppata Nunat killiit ajor-nartorsulersinnaapput.

### USA-p aqutsinini allanngorpaa

USA-p Kinamut unammillernini USA-llu qanittuini sillimani-arnikkut pilersaarusiornermi sallitilerpai. USA-p pilersaaruteqarnermini ataatsimut sallitutaasa oqimaatigiin-nerat suli erseqqissinngilaq. 2025-mi allannguut ersarissiq tassaavoq USA-p qanittuani sillimaniarneq annertuumik pingaarnersiugarineqalersimammat, ilaatigut USA-p qanit-tuani Kinap sunniuteqarnera millisinniarneqarmat. USA-p aningaasaqarnikkut pissaaneqarneq atorpaa, ilaatigut piu-masaminik pinngitsaaliilluni akitsuutiniq qaffasissunik aar-lerisaarluni atuutsitsiniartarpoq sakkutooqarnikkullu pis-saanerup iliminut atornissaanik nangaajunnaarsimalluni.

USA-p nunani tamalaani inissisimaneranik sunniuteqarne-ranillu ullumikkut Kina unammillersinaasutuaavoq. Taa-maattumik unammillersinnaaneq tamanna pakkersimaarni-arlugu USA-p nunanut allanut sillimaniarnermilu politikkini annertuumik naleqqussaleruttarpai.

USA-p Kinamut unammillernissamut annertusaanera nuta-ajunngilaq, massakkulli Kina ima pissaaneqartigaaq, USA-p Kinamut aningaasaqarnikkut politikkullu akiuuniarnini an-nertuserujussualersimallugu. Ukiut tulliit ingerlanerini USA-p Kinallu ataqatigiinnerat annertuumik nalorninartu-miissaaq. Nunat taakku ineriartornerat annertuumik nike rartumik kinguneqassaaq, naalagaaffissuilli taakku piffis-samut ungasissumut pilersaarusiornikkut ajugaaniuttuas-sapput.

USA Kinalu sakkunik nutaaliaasunik ineriartortitsinikkut, teknikkikkullu siuttuunissamik, saassussinissanut atugas-sanik, assersuutigalugu qarasarissuusialiornerup tungaati-gut, imminnut unammipput. Tamanna ilutigalugu pingaartu-mik Kina, kisianni aamma USA, tamarmik piumasarinngik-kaluamminnik imminnut sorsuutilissagalarunik illersorsin-naajumallutik sorsunnissamut piareersaateqarput.

Manerassuarmi pissaaneqarniunneq Kinamut iluaqutaasu-mik ineriartorpoq, taamaattumillu USA sorsunnermi ator-tussanik tassunga nuusserusuppoq. USA-p Manerassuar-mik sammisaqarnerata annertusiartortuaannarnerata USA suli Europami isumannaallisaanikkut pingaarnersaane-soq nalorninarsisippaa. Tamanna ingammik Ruslandimit qunu-saarinernut tunngavoq. Europami nunat akornanni Rusland-imut aarlerisaarutitut illersornissakkut piareersaatit pit-sanngorsarnissaannik suleqatigiinnissatigut USA-p politik-kikkut allanngornera annertuumik piumasaqaateqarpoq.


## KINA NUNARSUARMĪ AATSITASSANĪK QAGUTIGOORTUNĪK PILERSUINERMI SALLIUVOQ

2024-mi nunarsuarmi aatsitassanik qagutigoortunik sanaartornerit 70%-ii Kinap suliarai. Tamakku suliarineqarnerinut aatsitassat piiareernerisa kingorna avissaartortinnerinut salinnerinullu atortussat amerlanersaat pigaat. Tamatuma saniatigut Kina aatsitassanik qagutigoortunik paaseriikkanik peqarnersaavoq, soorluttaaq Kina nunanik allanik arlalinnik suleqateqarluni piiaanissamut isumaqatigiissuteqartoq. Ataatsimut katillugit piiaanerup suliarinninnerullu tungaatigut nunarsuarmi niuernikut Kina salliuernerpaatut inissipaa.

Aatsitassat qagutigoortut tassaapput pinngoqqaatit assingusut 17-it, mobiilnut, biilnut innaallagiatortunut, raketinut igeriuttakkanut, qaammataasianullu atortussat pingaarluinnartut. Aatsitassat marlunngorlugit immikkoortinneqarajupput, pissusaat oqimaassusaallu malillugit: oqitsut oqimaatsullu. Pingaartumik aatsitassat qagutigoortut oqitsut pineqarput. Ajornaqutigaat ataatsimut eqiteruttunik pingaarnermillu aningaasatigut akilersinnaasumik nassaarnissaq, kiisalu avatagiisit tungaasigut isumannatsumik piarnissaat suliarinissaallu.

Aatsitassat qagutigoortut ilaat sannaat tunngavigalugit piuma-neqartuupput, assersuutigalugu kajungerisani, sakkut ilaanni pingaaruteqarlunnartut atoraangata. Aatsitassat qagutigoortut oqimaatsut pingaartumik Kinami Myanmarimilu nassaassaapput.

Aatsitassanik qagutigoortunik piianeq suliarinninnerlu Kinap USA-llu imminnut unammillernerannut pingaarnepaatut inissimapput. Ukiuni kingullerni USA-p aatsitassanik qagutigoortunik eqqussaasa 70%-ii Kinameersuupput, sulilu USA-p tamakku-nannga pisiffiisa annersaralugu. Aamma Europap aatsitassat qagutigoortut ilaat Kinamit pissarsiarinissaat pisariaqartilluinnarpaa. 2025-mi Kinap aatsitassanik qagutigoortunik nioqqute-qarnikkut malittarisassani sukatersimavai. Tamatuma USA-mi Europamilu sillimaniarnermi sakkussiонерit inuiaqatigiinnilu suliffissuaqarfiit eqqorsinnaavai.



Tigussiffik: U.S. Geological Survey, Mineral Commodity Summaries. 1995-2025

## NUNARSUARMÍ NAALAGAFFISSUIT SUNNIUTE-QARFIGISAANNI NUNARSUUP IMMIKKOORTUINI NUNAT PISSAANERI AAMMA SUNNIUTEQARPUT

Nunarsuup immikkoortuini naalagaaffissuit pissaanertik nunanut qanittuminniittunut soqutigisaminnut aamma atortarpaat. USA-p Kinallu pissaanilerngusaannerminni soqutigisatik nunarsuup immikkoortuinut allanut nuuppatigit naalagaaffiit nunarsuup immikkortuani pissaaneqartut pissaanertik atorlugu sunniiniarneri annertunermik inissaqalersinnaapput.



- 1 EU**  
Europæiske Unionip aningaasaqarnikkut pissaaneqarni pissutigalugu nunarsuarmiooqatigiinni inissisimanera pingaaruteqarpoq. Ukiut kingulliit sillimaniarnermi politikkip allanngoriartornerata kingunerisaanik europami nunat illersornissamut piareersaatinik sammisaqarnerulersimapput.
- 3 Israeli**  
Israeli nuna mikisunnguugaluarluni oktorberip arfineq-aappaata 2023-p kingorna nunarsuup immikkoortuani najukkamini sorsunnikkut pissaanermik takutitsivoq. Israelip sorsulluni saassussisarnermini ilaatigut Iranip nunarsuup immikkoortuani taakani sunniuteqarnera malunnaatilimmik annikillisisimavaa.
- 5 Japani**  
Japani illersornissakkut aningaasaqarnikkullu Manerassuup kitaani naalagaafiuvooq pingaarutilik. Sakkussatigut nutaaliornikkut amerikarmiullu sakkutooqarfiinik nunaminiittoqarni kiisalu nammineq sakkutooqarni tunngavigalugu Japani sorsuttoqalissagaluarpas piffimmi tassani inissisimanera pingaaruteqarlunnarpoq. Tamanna ilutigalugu Japani sumiiffinni taakkunani aningaasaqarnikkut isumaqatigiissusiornermi iluuseqartuusarpoq.

- 2 Ruslandi**  
Nuna taanna pingaartumik atomi atorlugu sakkussianik amerlasuunik toqqortaateqarni nunanullu saniliminut sakkut atorlugit sorsukkusussuseqarni pissutigalugu sunniuteqarpoq.
- 4 India**  
India nunarsuarmi inuttunerpaajuvoq. Aningaasaqarnikkut annertuumik ineriartorpoq, nunarsuullu immikkortuani tassani pissaaneqalersinnaanermut periarfissaqarlualuni. Tamanna ilutigalugu nunarsuarmi pissaaneqarnerit nikinnerisa kingunerisaannik India kitaanut Kinamut Ruslandimullu periarfissarsiuilerpoq.
- 6 Brasilia**  
Amerikami kujallermi nuna inoqarnerpaaq aningaasaqarnikkut politikkullu annertuumik sunniutilik, soorlu nunarsuarmi immikkoortuini nunat akornanni suleqatigiinnerni. Brasilia nunanut tamalaanut sulinitigut sunniuteqarpoq, soorlu Naalagaaffiit peqatigiinni BRIKS-imilu suleqatigiinnerni. Brasilia siornatigut USA-ginnarmik suleqateqarsimagaluartoq, maannakkut aamma Kinamik suleqateqarpoq, aammali Europamut isiginiarneruvoq.

### **Naalagaaffiit akornanni tatigeqatigiinninnerusoqarpoq**

USA-p Kinap Ruslandillu pissaanermik atueriaasiligaannik pissuteqartumik naalagaaffiit tamalaat akornanni aamma siornatigut ileqquusumik suleqatigiissimasut iligiissimasul-lu akornanni tatigeqatigiinnermik innarliivoq.

Assersuutigalugu naalagaaffiit pilersuinikkut aqquasaarsimasut aallunnerulersimavaat soorlu aatsitassaqaarnikkut, nukimmik pilersorneqaarnikkut teknologeeqaarnikkut inuus-utissanillu pilersuinnermi nunat akunnerminni imminnut pin- gitsoorsinnaannginneri eqqarsaatigalugit. Naalagaaffiit ar- lallit ilisimatusarnermi nunallu akimorlugit aningaasaliiner- ni, kiisalu teknologi atorlugu sakkussiornermi suleqatigiin- nissamat piumasaqaatit annertusisimavaat.

### **Kinap Ruslandillu peqatigiillutik Nunat killiit sunniteqarnerat millisissallugu siunertaraat**

Ruslandip Kinallu suleqatigiinnerat suli annertusiartorpoq, imminnullu suleqatitut pingaarnersatut isigalutik. Taamaat- tuarput suleqatigiinnikkut imminnut tatiginninnginnermik ilaqartuarualuatoq, aningaasaqaarnikkut politikkillu soquti- gisaat piumasaallu paarlangammata, soorlu Asiami qiter- lermi kiisalu Sikuiuitsumi avannarlermi.

Kina Ruslandilu nunat killiit pingaartumik USA-p nunarsuar- mut sunniutaat millisinniarlugu namminnerlu oqaasissaqar- nerulernissaq kissaatigalugu suleqatigiipput. Naalagaaffiit Peqatigiit sillimaniarneq pillugu ataatsimiitsitaliaani ataatsi- miinnerni Kinap Ruslandillu isummatik ataqatigiissaartar- paat aqutsisutut inissillutik nunanilu tamani suleqatigiissi- taliat nukittorsartarlugit. Assersuutigalugu BRIKS, Brasilia- p, Ruslandi-p, India-p, Kina-p Afrikallu kujalliup nunallu arlal- lit nunanit killerneersuunngitsut suleqatigiiffigaat, kiisalu Shanghai Cooperation Organisation (Shanghai suleqati- giit peqatigiiffiat) (SCO) Kinap Ruslandillu Kangiani qiterlermi nunat suleqatigalugit suleqatigiiffigisai.

Ruslandip Kina pingaartumik aningaasaqarnermut tunnga- sutigut atorfissaqartinneruaa. Ukrainimut sorsulerneq ilutigalugu atorfissaqartitsineq annertusisimavoq. Kina tas- saavoq Ruslandip niueqataasa pingaarnersaat, russillu nu- kissiornikkut pisisartuisa annersaat. Maanna Ruslandip nioqqutissanik eqqussugaasa affaasa missaat Kina meer- suupput, sorsulernerup siornatigut sisamararterutaan- naagaluarlutik. Killormuanillu Kinap nioqqutissanik Rus- landimut nassiusisarnera Kinap nioqqutissanik nassiusu- isarnerisa tamarmik 4 procentiinnaraat.

Ruslandip Kinamik aningaasaqaarnikkut suleqatigiinnertik annertusarniarsaraa, Kinalli suleqatigiinnerup annertussu- saa killeqartippaa. Kinap nunanit killernit pillaatitut iliuutsit ingalassimaniarpai kissaatiginalugu aningaasaqaarnikkut nu- kissiornikkullu pisariaqartitani niuernikkut nunamit ataa- siinnarmit naatsorsuuteqarfigissallugit.

Ruslandip Ukrainimut sorsunnini ingerlatiinnassaguniuk Ki- nap tapersersuinera pisariaqartilluinnarpaa. Nioqqutissat pillaatitut akitsuusersukkat, Ruslandip Ukrainimut sorsun- nermini atortagai, Kinameersuupput. Kinap Ruslandimut attaveqatigiinnikkut tapersersuinera Ruslandip nunanut kil- lernut akertiunermini tamakkiisumik tapersersorteqarnis- saanut qitiulluinnarpoq.

Ukrainimi sorsunneq Ruslandimillu siorasaarinerit USA- mut Europamilu nunanut nakkutigininnerulersitsipput. Amerikarmiut Kinamit tatineqarneq ukkatarisaat Ruslan- dip sorsunneranut illikarpoq. Tamanna pillugu Nunat killiit Ruslandillu akimmisaaruteqarnerata ingerlaannarnissaa Ki- nap kissaagaa.

Ukrainimi sorsutoqarunnaarlurpat Ruslandip Kinallu sor- sunnikkut suleqatigiinnerat ingerlaannassaaq. Ruslandip Ukrainimut sorsunnermini paasisani Kinamut nalunaaruti- guartarpai. Taakkualu ilagaat sakkut nunani killerni sanaat qanoq akiorneqartarnersut.


Ruslandi Kinalu sakkutigut teknologii ineriartortitseqa- tiipput. Suleqatigiinneq inuunnaat sakkutuullu ilinniarfiini pisarpoq. Kinamiut suliffissuaataat russillu ilisimatusarfii soorlu isumaqatigiissimasut droneqaarnermik silaannakkul- lu angallannermi teknologiinik ilinniarnerni sungiusarner- milu suleqatigiissallutik. Suleqatigiinneq taanna pingaar- uteqarnerulerpoq Ukrainimi sorsunnerup takutereermagu sorsunnermi nutaaliaasumi dronit qanoq pingaaruteqar- tigusut.

Kinap Ruslandillu sorsunnermi suleqatigiinnerisa paasitip- paat Nunat killiit sorsunnermi teknologiivi sorsunnermilu pi- lersaarusia periaasiilu qanoq akiussanerlugit. Tamannalu isumaqarpoq siunissami Nunat killiit akertiissuteqarfi- gilissagalarunikkit nunat taakku nukittunerussasut. ■



# RUSLANDI

RUSLANDIP NATO-MUT NUNANUL-  
LU KILLERNUT ASSIGIINNGITSUNIK  
SAASSUSSERIAASEQARNERA



Ruslandip NATO akerlimisut isigaa iligiinnullu toqqissisimanermik innarliiniutit soorlu akornusiiumalluni aserorterinerit qarasaasiarlu atorlugu aserorterinerit atorlugit saassussiuarpoq. Danmarkip qanittuani Russit sakkutuui aamma aarlerisaarisarput. Amerikarmiut arlaleriarlutik sorsukkunnaarnissamut isumaqatigiinniaraluartut, 2026-mi Ruslandip isumaluutaasa annertunersaat Ukrainimut sorsunnermut tussagunarput. Ukiuni aggersuni Ruslandip sakkussianik sanaartornerat Europap sanaartorneranit annertunerussaaq. Tamanna ilutigalugu USA-p Europap isumannaallisaaneranut isumalluutaanissaa nalorninarpoq. Tamatuma Ruslandip NATO-mut sakkut assigiinngitsut atorlugit saassussinissaanut piunerna annertusissavaa. Ruslandimit NATO-mut sorsunnissamik aarlerisaarutit massakkorpiaq Kunngeqarfiup Danmarkip toqqaannartumik saassunneqarnissaanik aarlerisaaruteqanngikkaluartoq annertusissapput.

2025-mi oktoberimi russit saassussineranni russit sakkutuuat  
qamutillimmik eqqaassisoq  
Imago/Ritzau Scanpix

■ Ruslandi nunanut killernut aporaannissaq siunertaralugu ingerlatsivoq. Ukrainimi sorsunneq aallarniutaavoq, aklerinnerli tunngaveqarpoq Putini naalakkersuinikkut ingerlatsinermini isumaqarmat Ruslandi pissaaneqarnermigut USA-tut Kinatullu inissisimassasoq, taassumali piviusunn-gornissaanut NATO, EU USA-lu akornutaasut. Ingerlatsisut isumaqarput Ruslandimi siornatigut Sovjetimut ilaasut pingaartumik Ukraini, Belarus, Moldova Georgialu naalagaaffigilerpagit Ruslandip pissaanilissuurtut inissisimane-ranur pingaaruteqartoq.

#### **Ruslandi Ukrainimi sorsukkunnaarnissaminut annertuumik piumasaqaateqarpoq**

Ukiup ingerlanerani arlaleriarluni sorsukkunnaarnissaq isumaqatigiissutiginiarneqartaraluartoq Ukrainimi sorsunneq 2025-p kingorna ingerlaannassangatinneqarpoq. Ruslandip pisortatigoortumik nalunaarutigaa isumaqatigiinniarnissaq kissaatigalugu, Ukrainimulli NATO-mullu piumasaqaatini anertuut attatiinnarpai. Amerikkami sorsunnerup unitsinissaanut isumaqatigiinniartoqartaraluartoq, takussutissa-qanngilaq Ruslandi piviusumik sakkuaakkunnaarallarnissa-mut sorsukkunnaarnissamulluunniit isumaqatigiissuteqar-nissamut piareersimasoq. Putinip naalakkersuisoqatigii-visa sulii qularinngilaat Ukrainimi sorsunneq Ruslandip piu-masaanik ingerlassasoq piffissallu ingerlanerani Ruslandip angorusutani angussagaa, Ukrainimit Nunanillu killernit qa-susuinnerugamik. Qularnanngilluinnarpoq Ruslandi aatsaat sakkuaakkunnaarallarnissamut imaluunniit sorsuukkun-naarnissamut isumaqatigiissutessasoq piumasaqaatimi annertunersaat akuerineqarpata, imaluunniit sorsunnermi aningaasartuutit ima annertugilerpata Ruslandimut iluaqutaasussat qaangerlugit.

Ruslandip manna tikillugu pingaartumik Ukrainimi sorsun-neq pillugu USA isumaqatigiinniaqatigisarsimavaa, nunat taakku marluk attaveqatigiinnerat pilerseqqinniarlugu. Rus-landip kissaatigaa USA-p Ruslandimut pillaatit aalajagigai nutaat kinguartissasut pisinnaappatalu massakkut pillaatit pinngitsoortinniarlugit imaluunniit millisinniarlugit. Nunat taakku marluk attaveqatigiinnerat pitsanngoraluarpalluun-niit Ruslandip USA-mut tunngaviusumik tatiginninginnera allanngussanngilaq.

Taamaattumik USA-mut isumaqatigiinniarnernermini iluaqu-taasunik sivilisumik atasussanik Ukrainimut sorsuinnarne-rup nalignanik akimuisumik kinguneqarsinnaaneri Ruslandip takusinnaanngilaa. Ruslandilli Amerikarmiut qanittukkut sorsukkunnaarnissamik kissaataat atorluarniassavaat, USA-p Europallu akornanni avissaartuutsitsiniutigalugu.

Ruslandip USA-mut attaveqarnini pitsanngortissappagu, Ruslandip nunanik allanik suleqateqarneranut sunniuteqas-saaq. Amerikarmiut pillaaatannut pingaannginnernut sioo-ranerup maannamut Ruslandip nunanik allanik niueqate-qarnera ajornarnerulersissimavaa, suliffeqarfiillu nunanit allaneersut Ruslandimik niueqateqarnissartik mianersuun-nerulersimallugu. Tamanna allanngussagaluarpai Ruslan-dip naligninnaasumik aningaasaqarnera pitsanngussa-galuapoq, atortussanillu sakkunut pitsanngorsaanermini atugassaminik pissarsinissaa ajornannginnerulissagaluar-luni. Taamaallillunilu aamma Ruslandip Ukrainimut sorsuin-narnissaa ajornannginnerulissalluni.

#### **Ruslandip Ukrainimi nunap ilaanik tigesarinninnera annertusiartorpoq, sorsunnermili ajugaalinnigilaq**

2026-mi Ruslandi Ukrainiluunniit sorsuunnerminni anner-tuumik siuariaateqassasut ilimananngilaq. Ruslandi Ukra-inimut naleqqiullugu sorsunnikkut nukkeerulluinnartitsinis-saq anguniarlugu ingerlatsinissamik periarfissaqar-neruvoq. Tamatumunnga pissutaavoq, Ruslandi inger-laavartumik sakkutuussarsisarmat Ukrainimillu amerlanerusumik sakkussaliortarluni. Ukrainip 2022-miit imminut illersornerata Ruslandip nunamik annertuumik ti-guaanissaanik ingalassimatippaa 2025-milu Ruslandip ta-amaallat Ukrainip tamarmi 1%-ia tiguarsimallugu. Ukraini-miulli sakkutuusa sanngiilliartornerat ilutigalugu russit pif-finnik aalajangersimasunik tiguaariataarsinnaapput.

2025-mi Ruslandip sakkunik ungasissumut ingeriuttakka-nik atuinini pingaartumik droninik raketsinillu sanaartorner-tik ilutigalugu annertusisimavaa. 2026-mi Ruslandip silaan-nakkut saassussisarneri amerlissagunarput. Ruslandip Ukrainimi suliffissuit sakkussiortarfiit eqqorniartarpai. Saassussinerit tamakku Ukrainimi sorsuffinni akiuunnerit ilorraap tungaanut saatinnissaat ajornakusuulersippaat, ki-siannili Ruslandip sorsunnermi ajugaanissaanut silaannak-kut saassussinerit kisimik peqqutaassasut ilimananngilaq.


## RUSLANDIP KUNNGEQARFIMMUT DANMARKIMUT AARLERISAARINERANUT FE-P NALILIINERA SULI ATUUPPOQ

2025-mi februarip 9-ani naliliinermi erserpoq Ruslandip Kunngeqarfimmut Danmarkimut sorsunnissamut aarlerisaarinera ukiuni aggersuni massakkorpiq Kunngeqarfimmut Danmarkimut sorsunnissamut aarlerisaarisoqanngikkaluartoq annertutissasoq.

Ruslandi NATO-mut sorsunnissamut piareersarpoq. Tamanna isumaqanngilaq sorsunnissamik aalajangiisoqarsimasoq, kisianni taamatut iliornissamut aalajangersinnaangorsarluni Ruslandi sorsuutimik annertusaavoq. Massakkut Ruslandi taamatut iliornissaminut NATO-p iliisa artikel 5 atorlugu illersogatigiinnissamut isumaqatigiissutaat atuutilertussaammat

tunuarsimaarpoq. Ruslandip NATO-mut taamalillunilu Kunngeqarfimmut Danmarkimut aamma sorsunnissaminik aarlerisaarinera, pissutsinut pingasunut agguarsimavoq:

1. Ukrainimut sorsukkunnaarneq imaluunniit nikinnaveerneq.
2. Ruslandip NATO illersornissakkut sanngiissoraa imaluunniit politikkikkut avissaaqqanasorai. Tamanna pissaaq Ruslandi naliliippat pingaartumik Europami nunat NATO-mut ilaasortat sorsuffigilissagunigit USA-p NATO ikiorsinnaassanngikkaa imaluunniit ikiorumassanngikkaa.
3. Ruslandip illersornissamut sakkui akuerisaasut annertusiertortillugit, Nunat killiit illersornissamut sakkui taama sukkatigisumik annertusiartunngitsut.



## RUSLANDI UKRAINIP ILAA ANNERTOQ NAALAGAAFFIGILERNIARLUGU ANGUNIAGAQRPOQ

Nunap assingata takutippaa 2025-mi novemberimi sorsuffiit killingi sumiinersut, Ukrainimilu immikkoortut sisamat Krimil-  
lu-qeqertaasaa Ruslandip tiguariigai. Ruslandilli sorsunnermini  
siunertaa immikoortunut taakkuinnarnut killeqartariaqanngilaq.  
Russit oqaaseqartartuisa arlalitsigut eqqaasarpaat Ruslandip  
aamma ilaatigut Mikolayiv aamma Odesa Ukrainip kujataani  
kitaaniittut tigusarissagai.

— Sakkuaaffiup  
killinga

### RUSLANDIP SUUT PIUMASAQAATIGAI

Ruslandip sakkuaakkunnaarallarnissami-  
nut imaluunniit sorsukkunnaarnissamut  
isumaqatigiissuteqarnissaminut arlalinnik  
piumasaqaateqarpoq. Piumasaqaatit  
ilagaat:

- Ukrainimi nunap immikkoortui tamakkern-  
agit tigusarisimasat Kherson, Donetsk,  
Luhansk, Zaporizjzja, Krimillu-qeqerta-  
saa russit nunaannut ilaasutut akuerine-  
qassasut.
- Ukraini nunanut arlaannulluunniit attave-  
qassanngilaq, NATO-mullu ilaasortanngus-  
sanani.
- Ukraini sakkutooqarfeqarunnaassaaq,  
nunanillu killernit sakkutigut isertortukkul-  
lu paasiniaanertigut tapersersuinerit  
tamarmik unissasut.
- NATO-p qularnaassagaa, nunanik Europap  
Kangianeersunik nutaanik ilaasortanngor-  
titsissanani, Ruslandimullu pillaatit  
peerneqassasut.

■ KYIVI

UKRAINI

RUSLANDI

LUHANSKI

DONETSKI

ZAPORIZJZJA

KHERSONI

KRIM

SORTEHAVI

TYRKIA

Ukrainip aamma silaannakkut saassussisarneri suli amerli-  
artorput, pingaartumik Ruslandip suliffisuinut sakkussior-  
tartunut nukissiorfiinullu. Saassussinerit tamakku russit  
uuliamik akuaaviisa eqqugaasimaneri pissutigalugit innaal-  
lagissiornermi akit qaffakaatippaat. Ukrainip qularnangit-  
sumik saassussisarnini annertusisinnaavai rakitsit igeriut-  
takkat, rakitsillu igeriuttakkat qaartartunik usillit, nam-  
mineq ineriartortitani atorlugit. Ukraini nammineq naam-  
mattunik ungasissumut igeriuttakkanik Ruslandimut atu-  
gassaminik rakitsiliorsinnaalerpat Ruslandimut sorsunne-  
rup ingerlateqqinnissaa assut akisunerulissaaq.

Ukrainip illersorsinnaanini sorsunnermilu akiuunnini inger-  
latiinnassagunigit, sakkussanillu sanaartornini annertusis-  
saguniuk nunanit killernit ikiorneqarnissani pisariaqartit-  
tuassavaa. 2025-mi USA Ukrainimut tapiissutinik nutaanik  
tapiinissaminut aalajangersimanngilaq, illersornissamulli  
naalagaaffiup isertortumik paasiniagaanik tapersiisarlutik,  
Europamiullu Amerikarmiut sakkuinik Ukrainimi atugassa-  
nik pisinissaat akuerisarlugit. Tapiissuteqarunnaarpatali ta-  
piissutillu Europamit taarserneqanngipata Ukrainip sorsu-  
nerminik ingerlatsiinnarnissaa sunnerneqassaaq.

Ruslandip Ukrainimut sorsunneranut ikiuuttut pingaartu-  
mik Kina, aammali Nordkorea Iranilu, Ruslandip Ukrainimut  
saassussiuarnissamut piginnaaneranut pingaaruteqarluin-  
narput. Manna tikillugu Kina sakkunut atortussanik pingaa-  
rutilinnik pilersuivoq, saniatigulli aamma assersuutigalugu  
droninik. Tamatuma saniatigut Kina 2022-miit russit uu-  
liaataanik pisisartuuvoq, Ruslandillu Nunat killiit pillaa-  
taanik ingalassimaartitsinerannut tassuuna ikiortarlugu.

Irani Nordkorealul Ruslandimut qamutilinnut, qaartartunut  
igeriuttakkanut assigisaannullu pequtissanik droninik saas-  
sussisartunik, raketsinillu qaartartunik usilinnik amerlal-  
luinnartunik pilersuipput. Aammattaaq Nordkoreap sak-  
kutuunik russillu sakkuliorfiini sulisussanik pilersorpaa. Uki-  
uni aggersuni Nordkoreap Ruslandi atortussanik ikiortuass-  
avaa. Akerlianilli Israelip 2025-mi junimi Iranimut saassus-  
sinerata kingorna Iranip Ruslandimut raketsinik qaartartu-  
nik usisunik pilersuisinnaanera annikilligunarpoq.

Kinali kisimi pinnani India aamma Tyrkia russit uuliaannik  
uulialu atorlugu nioqquutissiaannik annertuumik pisiortor-  
put. Tamakku Ruslandip Ukrainimut sorsunnermini  
aningaasartuutaanik matusinermut ilaapput, Ruslandip uu-  
liaatini annertuumik akikillillugu tunisariaqartalaruaa.

### **Ruslandi NATO-mut saassussinissamut piareersarpoq, isumalluutaali Ukrainimut sorsunnermut pitussimapput**

Ruslandip anguniarpaa illersornissamut sakkutuuni akue-  
risaasut sivikitsuinnarmik piareersareerlutik Ruslandip ki-  
taata killeqarfiani NATO-mut sorsunnermut ajugaasinnaas-  
sasut taakkulu nunanut sanilinnut sakkutooqarnikkut saper-  
nerusunut inissinniarlugit.

Ruslandi 2008-miit sakkutooqarfeqarnikkut annertuner-  
paamik aaqqissuusseqqissimavoq NATO-mut Europap  
nunataaniittunut sorsunnissaminut pitsaannerusumik  
aaqqissuussisimanissaaq anguniarlugu. Ruslandip Ukraini-  
mut sorsulernermi aallaqqaataanili sakkutuut 1 millionimit  
1,5 milioninut amerlisimavai.

2024-miit russit sakkussiorfissuini sakkussat pequtissaal-  
lu Ukrainimut sorsunnermini atukkaminut amerlanerit sana-  
sinnaasimavaat. Isumalluutilli annertunersaat sorsunner-  
mut pitussimapput sakkussaqaarnikkullu annertussaaneq  
kingaallisillugu. Sorsunneq unippat imaluunniit unittoorpat,  
isumalluutit annertuut sorsunnermut taarsiullugit sakkus-  
saqarnissamut piareersaatitut atulissavai. Tamatuma sani-  
atigut isumalluutit suli allat nunat assigiinngitsut akornanni  
pillaatit millilernerqarpata takkussinnaapput.

Massakkut russit sakkussiorfissuini sakkussat pequtissal-  
lu sananeqartut Europap sanaavinit amerlanerupput. Ta-  
matumunnga pissutaavoq Ruslandip 2022-miit sakkussior-  
fissuatik amerlisarsimammatigit, Europamili tamanna  
aatsaat kingusinnerusukkut aallartilluni. Sorsunneq 2026-  
mi unissappat Ruslandi suli taama sakkussiorfigissaaq. Ta-  
amaalliluni ukiuni aggersuni Europami nunat neriorsuutitik  
piviusunngortillugit, Ruslanditut sukkatigisumik illersornis-  
sakkut akiuussinnaassutsip aningaasalersornera timita-  
linngipaasuk Ruslandi suli pissaaneqarnerulissaaq.

Ruslandip pingaartumik Ukrainimut saassussinermi kingor-  
na, sakkutooqarnikkut sakkutigullu annertusaanermik pia-  
reersaateqarsimavoq. Tassani suliffissuit droninik qanit-  
tumut ungasissumullu atorsinnaasunik, rakitsinik  
igeriuttakkanik raketsinillu qaartartunik usilinnik sanaartor-  
nissaaq pingaarnersaatissimavaa. Taamaattumik Ruslandi  
Ukrainimut saassussinermi siornanut naleqqiullugu  
tamakkunannga amerlanerujussuarnik sanasinnaavoq.

Russit sakkussanik sanaartornerat annertugaluqisoq arlalinnik sanaartornissanik killiliisunik ajornartorsiuteqarput. Tamakku ilagaat sulisussanik amigaateqarneq akiitsoqarlunilu annertuunik. Akiitsut annertussusiisa suliffissuit aningaarsartuutaasa patajaanneri innarlerpaat, sanaartoqqinnissat ineriartoqqinnissallu killilerlugit.

Ilimanarpallaanngilarli piffissap sivikitsup iluani, tassa ukiut ataatsip marlullu ingerlanerini, Ruslandip illersornissamut piareersarnini unitissagaa. Tamatumunnga pissutaavoq sakkussatigut suliffissuit sanaartornerat pisinnaasani tamaat ikorfartussallugu piumassuseqarmat. Tamanna ilutugalugu 2025-mi sanaartukkat qaanngerlugit sakkussanik sanaartuisinnaanissaq aamma Ruslandimut ajornakusuusaaq.

### Ruslandip NATO-mut nunanullu killernut assigiinngitsunik saassusseriaaseqarnera

Ukiuni aggersuni Ruslandi NATO-mut assigiinngitsunik saassusseriaaseqarluni saassussissassaaq, tamakku NATO-p unammillernissaanut sanngiillisarnissaanullu suniuteqarnerpaatut isigigamigit.

Ruslandip assigiinngitsunik saassusseriaaseqarnerit atortuarpai, NATO-p iluani artikel 5-p illersoqatigiinnissamut peqqussutaata atuutsilernissaata killinga nikisikkumallugu. Ruslandi arlalinnik akornusiumalluni aserorterilluni qarasaasialu atorlugu saassussinikuuvoq, nunani killerni nalu-naarsuutiniq qarasaasiallu aaqqissugaaneriniq aserotaluni. Tamatuma saniatigut Ruslandip Danmarkip qanittuani Østersømi sakkutuulersornikkut pissusilersuutai unaminarsisimapput.

### ASSILIANNGORTITAQ 2022-MIT RUSLANDIP DRONINIK SANAARTORNERATA QAFASSIMANERANIK TAKUTITSIVOQ



Ruslandip ukiarmanna 2025-mi Polenip silaanartaanut dro- nit saassussisartut arlalissuit unioqquitsilluni ingerlatikka- migit piaaraluni qingasaarisoq ilimanarluinnarpoq. Ruslan- dip qularnanngitsumik NATO-p qisuariaatissai misilerarpai, taamaasilluni nalorninarsisillugu qaqugu sorsulernissamut qisuariarnissap killigititaa qangerumassaneraa.

Russit Europami nunanut NATO-mut ilaasortanut saassus- sissagaluarpata USA-llu tamanut ammasumik qisuariassa- nerluni nalornissutigissappagu, Ruslandip Europami nuna- nut NATO-mut ilaasortanut sakkortunerusumik qinggasa- raluni saassuserusussinnaanera annertusissaaq. Ruslan- dip qinggasaarinerit taamaattut misilittarsinnaavai, USA-p ilu-mut Europa ikioriartussaneraa takuniarlugu. Aammat- taaq qularnanngitsumik Ruslandip Europami nunanut aker- lilersuerusunnerulissaaq USA Manerassuarmi immikkoor- tunik nakkutilliinerulerpat Europamilu sakkutuulersuiner- mi ilai peerlugit.

#### **Ruslandi NATO-mut pissaaneqarnerusutut inissikkumalluni isertortumik alapernaarsuivoq**

Ruslandip internetsikkut peqquserlunniartartui kilitsissiaa- lu ukiuni qulikkaani kingullerni Kunngaqarfimmut Danmark- imut isertortukkut alapernaarsuisarput, Ruslandip isuman- naarsuineri politikikkut soqutigisai tapersersorniarlugit. Isertortukkut alapernaarsuineri paasisat tamakku paa- sissutissaapput Ruslandip NATO-mut sorsulissagaluaruni iluaqutissai. Ruslandip paasisutissat assersuutigalugu NATO-p illersornissamut upalungaarsimanermullu pilersaa- rutai, sakkut atortussiat, illersornissamut piareersaatit, ataqatigiinnerillu, nammineq sakkutooqarnikkut pilersaar- timinik pitsannguutissat atorsinnaavai.

Russit internetsikkut peqquserlunniartartui kilitsissiaalu NATO-p nunallu tassunga ilaasortat illersornissakkut nuna- nullu allanut ministereqarfiinut paasisutissanik tillinniar- tarput. Suliffinnit sillimaniarnermut teknologiinik suliaqar- tunit aamma paasisutissanik tillinniarlutik misiliisarput. Paasisutissat taakku Ruslandip nammineq sakkussaasi- orfimmini atulersinnaavai, namminerlu atortussiani taakku- nannga inerisarlugit. Paasisutissat NATO-p sakkussiorner- mi atugai teknologiillu pitsaaqutai sannguequtaalu Ruslandimut sakkutooqarnikkut iluaqutaasinnaapput.

Ruslandip aamma ingerlaavartumik danskit nunallu killiit oqartussaarfii suliffeqarfiilu angallannermik nukissiorner- millu suliallit internetsikkut peqquserlullutik iserfiginiartar- simavai. Qularnanngitsumik taakkunani Ruslandip kingusin- nerusukkut nunani killerni angallannernik akornusersuinis- samut unitsitsinissamulluunniit atorsinnaasaanik paasisu-

tissanik aallersinnaaneq siunertaavoq. Tamakku qarasaa- siakkut nittartakkanik aserorterinikkut akornusersuillunilu aserorterinikkut pisinnaapput. Ruslandip aalajangersinnaa- vaa NATO-mut sorsulernerup siuninnguani sorsulereerner- miluniit taamatut saassussinissani. Ruslandi taamatut ilior- sinnaavoq NATO-mi nunat inuiqatigiivi imaluunniit iligiit sor- suffinnut sakkutuunik atortussanillu assartuineri nukillaar- sarniarlugit, assersuutigalugu Danmarki aqutitigalugu.

#### **Ruslandi Østersømi aamma sakkutooqarnikkut piareersarpoq**

Østersø tassaavoq Ruslandip NATO-mut sakkutooqarnik- kut pissaanermik atuiffigeriaannaasaa, taamaanneratalu Danmarkip Ruslandimut sorsunnermut toqqaannartumik ilaaleriataarsinnaanera annertusitippaa.

Ruslandip Østersømi immikkoortumik sammisaqarnerujus- sua pissuteqarpoq, immikkoortoq tamanna Ruslandimut upalungaarsimanissamut politikkimut aningaasaqarner- mullu pingaaruteqarmat. Immikkoortumi tassani Ruslandi pingaarutilinnik umiarsualiveqarpoq uuliamik gasimillu nunanut allanut aallakaatitsivinnik. Ruslandip uuliamik aal- lakaatitaasa affaat immakkut pisarput, Østersøkkut, dan- skillu ikerasaasigut. Tamatuma saniatigut Østersø aamma Ruslandip Kaliningradimut, russit nunatavianut atanngit- sumut aqutissaavoq pingaaruteqarlunnartoq.

Ukiuni aggersuni Ruslandip pilersaarutigaa Østersøp im- mikkooortuani sakkutooqarfiit annertusarniarlugit. Ukraini- mi sorsunnerup pilersaarutit unamminarsisippai kinguartil- lugillu sakkutooqarnikkut aningaasaqarnikkullu isumalluutit sorsunnermut tummata. Ruslandili qangali sakkutuunik Fin- landip killeqarfia atuarlugu inisseereersimavoq, Baltikami nunat pingasut kangianni Ruslandillu kitaani.

Ruslandi ukiuni aggersuni qularnanngitsumik aamma tim- misartunik malersuutininik saassussisartuninik nutaalianik arlalinnik Østersømi taassumalu eqqaani inissiissaaq. Ta- matuma saniatigut Ruslandip Østersømi umiarsuit sorsuu- tit nutaanik Europamut tamarmut anngussinnaasunik ra- ketsinik igeriuttakkanik sakkulinnik ilaartussavai. Aamma Østersømi umiarsuarni sorsuutini droninik ineriartortit- siutigalutik sungiusaanerit salliutissavai, NATO-p Østersø- mi umiarsuaanut sorsuutitut danskillu ikerasaannittunut atugassaminik. Ruslandip pilersaarutai ataatsimut isigalu- git isumaqarput, Ukrainimi sorsunneq unippat, immikkoor- tumi tassani sakkutuut sorsun nermullu atortut 2022-p si- ornanut naleqqiullugit amerlanerujussuussasut.

**Ruslandip Østersøp imartaani pissusilersornera sillimani-arnikkut akerleriileratarsinnaanermik annertusititsivoq** Østersømi upalungaarsimanikkut pissutsit sulī najummat-sisimanariartorput. Ruslandi tassani NATO-mi nunanut sak-kortusaartumik sorsuutini umiarsuarnik timmisartunillu atuinissamut piumassuseqarpoq, Ruslandip soqutigisaanik innarliisinnaasunik iliuuseqarsinnaanerat pinngitsoortinni-arlugu aarlerisaaralutik.

2025-p ingerlanerani Ruslandip Østersøp imartaani NATO-mut sakkutooqarnikkut iliuusai aarlerinarsiartorsimapput. 2024-mut naleqqiullugu Ruslandip NATO-mi nunat silaan-naat timmisartunik sorsuutini alapernaarsuisunillu unioq-qutitsisumik arlaleriarnerrullutik timmiffigaat. Russit umiar-suaat sorsuutit umiartornerminni aamma NATO-p umiar-suaataannut sorraannerujussuullutik ingerlasarput. Ruslandip arlaleriarluni umiarsuarni sorsuutimini sakkut inuttalersortarpaat, danskit umiarsuaat sorsuutit timmis-artullu qanillingaangata. Tamanna aamma Danmarkip kille-qarfiisa iluanni pisimavoq. Aarlerisaarinerit tamakku sania-tigut Ruslandip GPS-mi kalerrisaarutitut akornusersuisar-poq, tamakkulu sakkutooqarnikkut inuinnaallu umiar-suaasa timmisartuisalu angallanneritut sunnuteqar-tarput.

Ruslandimit russit uuliaataanik assartuisut umiarsuit iser-tortumik atorneqartut, Østersø danskillu ikerasaat aqqu-tigalugit angalasartut annertuumik illersorniartarpaat. Umiarsuit isertortumik angalatitat Ruslandimut aningaa-saqarnikkut pingaaruteqarlunnarput, uuliaatiminnik ni-oqquteqarnermikkut nunat tamat pillaataat avaqunniar-taramikkut. Ruslandip nukissiornikkut nioqutissiornera naalagaaffiup isertitaasa 30%-it missaaniipput.

2025-mi upernaakkut Ruslandip timmisartut sorsuutit umi-arsuillu alapernaarsuisut Finlandip imartaanut inissippai, umiarsuaq uuliamik usisoq umiarsuarnut isertortunut ilaa-soq Estlandip sinerissami nakkutillisuinit unitinneqanngin-niassammat. Pisoq taanna illersornissakkut aporaanernik kinguneqanngilaq, siunissamili taamatut pisoqassagaluarp-at Østersømi Ruslandip NATO-llu sorsuutai umiarsuit tim-misartullu imminnut aporaatilersinnaapput. Aporaanne-qassagaluarpalli Ruslandip NATO-llu imminnut sorsuut-ilernerannik isumaqassanngilaq.

**Ruslandip aningaasaqarnikkut ajornartorsiuleraluarluni sorsunnermut aningaasartuutit pingaarnerutippai**




Ukiuni aggersuni Putinip naalakkersuisuisa Ruslandip Ukra-inimut sorsunnikkut sorsunnissamullu piareersaanikkut aningaasartuutit pingaartinnerussavai. Maannamut russit inuiaqatigiivini aningaasartuutitut allannut naleqqiullugu sorsunnikkut aningaasartuutit annertuut atorneqarusup-put. Tamanna ukiut tallimat ingerlanerini aningaasaqarnik-kut kingunerluuteqarsinnaavoq, assersuutigalugu anin-gaasat naleerukkiartornerannik imaluunniit nioqutissanik amingaateqalernermik. Tamatuma kingunerisinnaavaa Rus-landimi akerliussutimik takutitsisalerneq. Putinilli naalak-kersuisuisa piareersaatit ingerlatiinnarusunneruaat tamak-ku pisut isumaginagit.

Ruslandip sorsunnissamut piareersaatitut akissaqarumal-luni ilaatigut inuiaqatigiinnut siunissamut ungasissumut aningaasaliissutit ikilissimavai. Sorsunnissamut aningaa-sartuutit aningaasaqarnermut ilassutaagaluartut, ineriartortitsinerup qularnaarnissaanut naammangillat. Russit naalakkersuisuisa naliliineri naapertorlugit aningaasaqar-nikkut ineriartortitsineq 2023-mit 2024-millu annikinneru-voq, russillu aningaasaqarnikkut ineriartortitsinermut mini-steria naapertorlugu Ruslandi aningaasaqarnikkut ajor-nakusooriaannaavoq. Nalunaarutillu paasinissannut tunn-gaviussaaq Ruslandip qularnanngitsumik aningaasartuuti-nut qitiusumik kisitsisit allangortissimassagai, Ukrainimut sorsunneq Ruslandimut qanoq kingunerlutitsitiginersaq toqqortorniarlugu.

Ruslandip sulī uungaannaq killilinnik aningaasaliisarnerit ingerlateqqissavai, soorlu naalagaaffimmut tapiissutit su-liffeqarfinnillu ingerlatsineri piumasaqaatinik qasukkaa-nerit, aningaasaqarnikkut kinguariaatinik ajornerpaamillu aningaasaqarnikkut ajornartoornernik pinngitsoortitsisin-naasut.

2025-mi Ruslandip aningaasaqarniarnerata artorsaleriar-tornera nalininnaasumik annertusisimavoq. Tamatumunn-ga peqqutaasut ilagaat ukiunut siuliinut sanilliullugu uulia-mik gasimillu tuniniaanermi isertitai annikinnerummata. Tamatuma saniatigut akileraarutit qaffasinneri pissutigalu-git suliffeqarfippassuit ajornartorsiorput, sorsunnermut aningaasartuutit annertuut pissutigalugit aningaasat nale-erunnissaat pinngitsoorniarlugu centralbanki akileraaruti-nik qaffaasimammat. Akileraarutit qaffasinneri pissutigalu-git suliffeqarfiit ineriartuutitut aningaasaliinissaminut ani-ngaasanik taarsigassarsinissaat ajornakusoorpoq.

Nunap assingata takutippaa Ruslandip Østersøp imartaani NATO-mut sakkutooqarnikkut iliuusai aarlerinarsiartorsimasut. Aarlerisaarisutut iliuusit tamakku ilaatigut peqquteqarput Ruslandip uuliamik sakkutooqarnikkullu atortunik Østersøkkut danskillu ikerasaasigut angallassisinnaanerat pingaaruteqarluin-narmat. Tamanna titarnermik kittorartaartumik nalunaaqtersi-mavoq.




Ruslandip umiarsuit uuliamik assartuutit arlalit, russit uuliaataannik usisut nunanit killernit pillaatissimasut atortarpai.

Umiarsuit amerlanertigut Ruslandip avataaniittuni nunani nalunaarsugaasarp-  
put, taamaalillutik nunat allat erfalasui  
atorlugit angalasarlutik.

Umiarsuit piginnittui piaaralutik paasinan-  
ngitsumik nalunaarsorsimasarpaat, ilaati-  
gut piginnittuinut pillaatisitsitsinissaq  
ajornarsisinniarsaralugu.

Umiarsuit kilitsissiatut atukkat amerlasuut qanganisaapput aserfallattaaliornerilu annikillutik. Taamaallitut immakutt ajutoornissamut qanipput avatagiisinullu migutsiteriaannaallutik. Aammattaaq umiarsuit amerlanertigut atuuttumik sillimmaqartanngillat. Tamannalu isumaqarpoq ass. avatagiisinek migutsi-tisoqarperani migutsitsineq sillimmasiis-arfinnit akilerneqarsinnaassanngitsoq.






Ukiuni aggersuni Putinip naalackersuisuisa Ruslandip Ukrainimut sorsunnikkut sorsunnissamullu piareersaanikkut aningaasartuutit pingaartinnerussavai. Maannamut russit inuiaqatigiivini aningaasartuutitut allannut naleqqiullugu sorsunnikkut aningaasartuutit annertuut atorneqarusupput.

#### RUSSIT NAALAGAAFIATA 2025-MI ANINGAASAQARNIKKUT AMIGARTOORUTAI ANNERTUPPUT

Napasut takutippaat 2021-mit 2025-mut russit naalagaaffiata aningaasaqarnikkut atugassatut naatsorsuutaasa akimorneri imaluunniit amigartoorutai. Russit naalagaaffiata aningaasaqarnikkut amigartoorutai 2022-mit 2024-mut naleqqiullugit 2025-mi

annertusisimapput. Tassunga pissutaapput aningaasaqarnikkut isertitakinneruneq kiisalu 2025-mi nukissiornikkut isertitat mil-lisimani. Naalagaaffiup aningaasaqarnikkut amigartoorutaasa Ruslandi aningaasaqarnikkut ilungersunartorsiortippaat.

Rublit milliardit.



Tigusiffik: Ruslandip aningaasaqarnikkut ministereqarfia.

Nunaniit killerniit Ruslandimut pillaatitsitsiinerit annertuut allanngorartullu aningaasaqarnikkut tatisimaneqarnera ataavartippaat. Pillaatit ilaatigut Ruslandip nukissiornikkut tunisaasa annikinnerunerannut pissutaasunut pingaarner-saapput. Ruslandip pingaartumik uuliaatini allanut ilaatigut Indiamut Kinamullu, tunisinnaagaluaraa, taakkununga angallanneq annertunerusumik aningaasartuutaavoq. Tamatuma saniatigut Ruslandip uuliap annertunersaa sior-natigut Europamut tunisartakkani akikillillugu tunisariaqar-paa. 2025-mi Nunat killiit russit uuliasioqatigiiffiit pillaatit atulersitaat Ruslandip nukissiornikkut aningaasarsias-saannik annertuumik ilanngaasinnaapput.

Pillaatit allat Ruslandip sakkutooqarnikkut atorlutorneran-nut nunanillu killernit taakkununga atorlutsanik pisiortor-nermut tunngapput. Ruslandi oqaluttuarisaanermi saku-nut atorlutsanik annertuumik nunaniit killernit pisiortor-tuarnikuuvoq, ilaatigut elektronikkimut tunngasut. Ruslan-dip pillaatit tamakku annertunerusumik nunat isumaqati-giissuteqanngitsut aqutugalugit pinngitsoorsinnaavai. Assersuutugalugu Ukrainimut sorsulerneraniit Kina sanaar-tornissamut atorlunik maskiinallu atorlutsaanik annertu-nermik Ruslandimut tunisialerpoq. Pillaatilli maskinanut atorlutsat pissarsiarinnissat sakkutooqarnikkut sakkussi-orneranut pinngitsoorsinnaanngitsut akisunerulerlugillu ajornakusoornersissimavai.

Russit naalagaaffiata aningaasaqarnikkut ileqqaagai nungu-lerput. Naalagaaffiulli akiitsui annikkipput, Ruslandilu aningaasarsiornikkut ingerlatsiinnarnissanik periarfissip-paa. Ilimanarporli aningasaliinnissanut tullernut matussutis-sanik, Ruslandip naalagaaffiup aningaaserivii ingerlatsiviilu obligationinik naalagaaffimmi pisiassanik piseqqussagai. Taamaammat russit naalagaaffiannut aningaasanik kaa-viaartitsinerup qaffasissuunnissaa ajornakusuussaaq naalagaaffiup aningaasaqarnikkut ingerlatsinerit annerto-reersut akuliuffiginnippagit. Tamakku Ruslandip siunissa-mi ungasinnerusumi aningaasarsiornera ajornakusoortilis-savaa.

#### **Ruslandip nunarsuarmut sunniuteqarnini annertusarniar-paa nunallu killiit isertortumik iliuuseqartarnikkut ajoqusersorlugit**

Ruslandip nunarsuarmut sunniuteqarnikkut annertusa-nermini nunani tamalaani Afrikami, Asiami, Latinamerika-mi Kangianilu Qiterlermi najuunnissani pingaartippaa. Rus-landilli Ukrainimi sorsunnerata isumalluutinik atuinerujus-

suata, nunarsuarmi immikkoortuni allani sunniuteqarnis-saa annikillisippaa. Taamaapporlu Centralasiamut Kauka-susillu kujasissuanut, politikikkut aningaasaqarnikkullu Ruslandimut pisariaqartitsinertik annikillisarniarsaralugu ilaatigut allanik suleqateqalernertik annertusarmassuk.

Ruslandip politikikkut aningaasaqarnikkut sakkutooqar-nikkullu suleqateqarnini annertusisimavaa, pingaatumik Kina Nordkorealuni, Ukrainimut sorsunnermini nunanillu kil-lernit pillaatisinissat ingalassimaartinnerinut tapersorsorti-gigamigit. Iranilu taamatungajak suleqatigaa, taannali 2025-mi Israelimut sorsunnini pissutigalugu sanngiilliisima-sutut ippoq. Aammali Ruslandimut pingaaruteqarpoq sule-qatigiiffiit BRIKS-itut ittut siuarsassallugit, tamakku nuna-nut tamalaanut sunniuteqarneranut qulakkeereqataam-mata, aammalu suleqatigiinnut suliffeqarfinnullu kitaata pissusiinik atuisunut akieqataammata.

#### **Kinguaariit kingulliit nunanut killernut aklerleriis-suteqartuarnermik isumaqalersinniarneqarput**

Putinip naalakkersuisui propagandanik annertuumik inu-iaqatigiinnut tamaginnut nassiusuiarpoq, kitaanut aklerli-usunik isummersornerit sakkortusarniarlugit. Propagadat pingaartumik nunamik pingaartitsinermut kiisalu pissusi-toqqanut tunnganerupput. Tamanna isumaqarpoq kinguaa-riit kingulliit Ruslandip nunanut killernut aklerleriissuteqar-tuarsimaneranik isumaqalersinniarneqartut. Tamanna pi-voq inuiaqatigiinni sakkutuulersornerup annertusiartorne-rani, ilinniartinnilu qaffasissutsini tamani naalagaaffiullu suliffeqarfiutaani sakkutuutut ilinniartitsineq pinngitsoora-ni ilinniartariaqarluni. Taamatut isumaqalersitsinniarneq Ruslandip nunanut killernut attaveqarneranut sivilisuumik Putinip inuunera sinnerlugu sivilissulimmik kinguneqarner-lutsitsissaaq. Taamaattumik ilimanarpoq Putinip kingoraar-tissaata nunanut killernut aklerlilersuineq ingerlatiq-qissagaa.

Tassunga ilanngutissaaq russit naalagaaffimminnik aqutse-riaatsiminnut aklerliusunik naqisimanningaarmata ullumik-kut aklerliisoqanngivissoq. Putinip naalakkersuisui taamaa-lillutik aalaakkaasutut pissuseqarput, takussutissaqann-gilarlu tamatuma allanngornissaanut. Ruslandili oqaluttua-risaanikkut inuiaqatigiit aqqisugaaneratigut annertuumik tassangaannartunik eqqorneqarsimavoq malugineqarani takkuteriataartumik. Taamaammat naalakkersuisuit innut-taasut akornanni naammagittaalliornermik malussarniar-tarput aklerlilerniartarlugillu. ■

## SAMMISAQ: SUNNIINIUTIT ASSIGIINGITSUT

Sunniiniutit assigiingitsut tassaapput naalagaaffiit naalagaaffinnik allanik sanngiillisaaniarlutik isertortukkullu ajortisaaniarlutik periaatsit piginnaanerillu assigiingitsut atortagaat. Politikikkut, aningaasaqarnikkut, paasissutis-siinikkut sakkutooqarnikkullu sunniiniutaasinnaapput. Sunniinerup annertunerpaamiinnissa aallaavigalugu immikkoorlutik imaluunnit suleqatigiissillugit atorpeqarsinnaasarput.

Ruslandip sunniiniutit assigiingitsut NATO-mi nunat politikikkut ataqatigiinnerat aalajangersinnaanerallu sanngiillsarniarlugu atortapai. Sukkasuumik angusaqarnissaq Ruslandip siunertarinngilaa, aklerianilli ataavartumik nalornis-suteqarnermik, NATO-p ataqatigiinneranik arriitsumik isertortukkut ajoqusiinaanermik pilersitsilluni. Qularnangilaq Ruslandip sunniiniutinik assigiingitsunik atuini iligiit qisu-ariaatiginngippatigit annertusissagaa.

### HYBREDKRIGI

Toqqissisimanermik innarliiniarluni sorsunneq nunat tamalaat akornanni inatsilerinermi taaguutaanngilaq. FE-p taaguut 'hybredkrigi' atorpaa, naalagaaffi-up naalagaaffimmut allamut toqqissisima-nermik innarliiniarluni assigiingitsitaartu-nik paasineqarsinnaanngitsunik atuiilluni saassussineranut, saassussineq sakkul-sorluni aklerliinnissaq pinngitsoorti-laaginnarlugu sakkortussuseqarluni isertortukkullu ajoqusiiniarluni naalagaaf-fimmik allamik ajoqusiiniarneq.

Naalagaaffik assigiingitsunik iliuseqarluni saassussineq atussallugu aalajangersin-naavoq, naliliiguni ileqqut malillugit attaveqaatit atorlugit isumaqatigiinniarneq kissaatigisamik kinguneqassanngitsoq, saniatigullu sakkut atorlugit aklerliinner-mik aallartitsisoqarsinnaasoq.

Ilimanarluinnarpoq Ruslandi isumaqartoq nunanut killernut aklerliissuteqarluni, sunniiniutinillu assigiingitsunik atui-nerit annertussuseqartillugit sakkunik atuinnissat pinngit-soortilaaginnarlugit.

Massakkut Ruslandi nunanut killernut sunniiniutinik assi-giingitsunik annertussutsimikkut pissutsimikkullu Ukraini-mut sorsulingikkallarnerninit annertunerujussuarmik atu-ivoq. Ilimanarpoq Ruslandi isumaqartoq sunniiniutit tamak-ku aklerliinnerulernernut imaluunniit pillaatini kinguner-luuteqassanngitsut. Aamma ilimanarpoq Ruslandi isuma-qartoq NATO-mi nunat Ruslandimut assingarik iliuseqar-tut. FE taakkua tunngavigalugit naliliivoq Ruslandi maan-nakkut sunniiniutit assigiingitsut atorlugit NATO-mut nunanullu killernut sorsuttoq.

Ruslandi nunanut kitaaniittunut NATO-mullu annerpaamik assigiingitsunik qunusaarisuuvoq. Nunat allat soorlu Kina Iranilu anguniakkatik anguniarlugit sunniiniutit assigiingit-sut atortapaat. Taakku pingaartumik nuanut qanittuminniit-tunut sunniiniuteqartarpur.


### Akornusiiumalluni aserorterineq

2023-miit Ruslandi eqqorniakkanut Europamiittunut akor-nusiiniarluni arlaleriarluni saassussisarsimavoq. Qularnan-ngilaq, Ruslandi immikkut aaqqissugaqarluni akornusiiniar-luni aserorterisartoq Europap Ukrainimut tapersiuteqartar-nera isersortortukkut ajoquserniarlugu.

Akornusiiniarluni aserorterineq sunniiniutaavoq sunniute-qarluartoq, suleriaasii aallaavigalugit nunani killerni oqar-tussaasut kikkut iliuseqarsimanersut eqqoriarsinnaanngi-massuk. Ruslandip inuit russit isertortumik paasiniaasar-tuinut attuumassuteqanngitsut sulisikkajuppai. Tamaam-mat Ruslandip akornusiiniarlutik aserorterisut tamakkiisu-mik nakkutigisinnaanngilai. Saassussinerit amerlanertigit suliariuminartuusarpur.

## RUSLANDIP AKORNUSIINIARLUNI ASERORTERINERMINI SINNIISUT ATORTARPAI

Russit isertortukkut paasiniaasartui ilaatigut akunnermiliuttunik inunnik akilertillutik kilitsissiatut akornusiiniarlutillu aserorteri-sussanik sulisussarsiortarput. Taamaaliornerit inuit attaveqati-giittarfiini pisarput. Taamaattumik pinerluttuliortut tamakku ilaatigut nalusarpaat russit isertortukkut paasiniaasartuinut sullissillutik.



### Qarasaasiakkut nittartakkanik aserorterineq

Ruslandi nunallu allat, assersuutigalugu Irani, qarasaasiak-kut nittartakkanik aserorterinikkut saassussineq ersiortit-sissutitut nalorninartorsiutitsinermullu atortarpaat ima-luunnit naalagaaffiit allat politikkikkut ingerlatsineri aalajan-gerniarnerilu sunnarniarlugit. Ruslandip internetikkut pe-qquserlunniartartuni paasissutissanik isertuussanik inuit ataasiakkaat imaluunnit peqatigiiffiit isiginerlunneqartiler-niarlugit saqqummiisittarpaat.

Qarasaasiakkut nittartakkanik aserorterinerit sunniiniuta-apput, Ruslandip, Iranip Nordkoreallu nunanut allanut saas-sussissutigisartagai.

2023-miit internetikkut pinerlunniartartoqatigiit, Ruslandi-mik tapersersuisut, annertusiartortumik qarasaasiakkut nittartakkanik ajornanngitsunik aserorterisalersimapput, ilaatigut nunani killerni ataqatigiinnermut isornartorsiuisar-

tut attaveqarfiinik. Saassuneqartut tamarmik annikitsumik isumannaallisagaasimapput. Danmarkimi internetikkut pi-nerluniartartut russinut tapersersuisut assersuutigalugu decemberimi 2024-mi imeqarfimmik imeqarfiup imermik pilersugaasa ilai sivikitsumik imeerullugit engup aqquta-anik aseruipput.

Saassussinerit assigiissutigaaat sivirusumik piareersartari-aqannginnerat imaluunniit teknikkikkut ilisimasassat anni-kitsuinnaat pisariaqarmata. Saassussinerit kingornanni in-ternetikkut pinerlunniartartut attaveqaakkut pinerluutitik allaaserisarsimavaat malugineqarnerujumallutik. Manna ti-killugu kingunipilui killeqaraluartut saassussinerit taamaat-tut annertuumik kingunerluuteqarsinnaapput. Tamatumun-nga pissutaavoq qarasaasiakkut nittartakkanik pinerlun-niartartut kingunerluutissanik qunugisaqaratik saassussis-armata, assersuutigalugu ataqatigiinnikkut aqqqissuussat qajannartut ajoquserniarnerusarpaat.

## NUNAT ALLAT INNUTTAAT AQUTSISUILU ASSIGIINNGITSUNIK ILIUUSEQARLUNI SUNNIINARFIGINEQARSINNAAPPUT



### PAASISSUTISSAT EQQUNNGITSUT

Danmarki Kalaallillu Nunaat 2025-p aallartilaarnerani qularnanngitsumik russinit sunniinjarfigineqarput. Pineqartoq tassaa voq paasissutissat eqqunngitsut danskimut politikerimut tunngasut siaruarterneqarsimmata. Danmarkip Kalaallillu Nunaata ataqatigiinnerat pillugu inuiaqatigiinni oqallinnerit Ruslandip atornerlunniarpai, kunneqarfiup Danmarkip USA-llu ataqatigiinnerat aserorsarniarlugu.



### INUINNAAT SULLISSISUUNERI

Russit naalagaaffiata akuttunngitsumik sunniinjarluni isumaqatissarsiorneq allanut suliaqkiuttarpaa. Assersuutigalugu suliffeqarfanni inuinnarnit ingerlanneqartuni paasissutissiinermut ingerlatsinermi sulisut, attaveqatigiiffinni sulisut kiisalu sociologimi immikkut paasisimasallit atorlugit sunniiniutit ineriartortsineri ingerlannerilu Ruslandi sinnerlugu suliaritittarpaat.



### ATTAVEQATIGIINNERMIK INERIARTORTITSINEQ

Kinap nunani allani peqatigiiffiit kommunistpartimut attavillit attaveqateqalernissamut atortarpai, Kinap soqutigisaanik ingerlateqqiussatut.



### QARASAASIAQ ATORLUGU SAASSUSSINEQ

Naalagaaffiit qarasaasiaq atorlugu saassussinerit sunniinarnermini atortarpaat, ilaatigut saassussinerit ilutigalugit paasissutissanik eqqunngitsunik siaruarterillutik. Paasissutissat attaveqateqarfinnut siaruarterneqartarput, ilaatigullik aamma eqqorneqartup skærmianut ikkunneqartarlutik.

Internetikkut pinerlunniartartut, Ruslandimik tapersersuisut, ingerlaavartumik qarasaasiakkut nittartakkanik akornusiisunik aserortersarsimapput, danskit oqartussaqaarfii-ni suliffeqarfinilu nittartakkanut isersinnaajunnaartit-siniarsalutik. Ilimanarpoq, internetikkut pinerlunniartar-toqatigiit russinik tapersersuisut russit naalagaaffiannut attaveqartut.

### **Sakkutooqarnikkut qisuariarsaarinert**

Sakkutooqarnikkut ingerlatsinerit sunniiniutit assigiingit-sut ilaattut atorsinnaapput, sorsulertitsinermik kingune-qanngikkunik.

2022-miillu russit sakkutuui siornatigornit qunutitsiuma-nerullutillu saassussiumanersimapput. Tamakku ilagaat ilaatigut malittarisassanik unioqquitsisumik umiartornerit, NATO-mi nunat sakkutuui saassussisuusaarnerit, umiar-suit timmisartullu sorsuutit attaveqarfiinik GPS-nillu akor-nusersuinerit.

Aamma takussutissat ilagaat NATO-mi nunaniit Ruslandip qanittuani iliuuseqartoqaraangat Ruslandi sakkortuumik qi-suariaateqartarmat. Assersuutit ilagaat 2022-mi tuluit tim-misartuata nakkutillisartup Sortehavi qulaammagu russit timmisartuata sorsuutip rakitsinik silaannakkut igeriuttak-kanik igeriussiffigimmagu.

Ruslandi aamma arlaleriarluni NATO-mi naalagaaffit silaan-nartaatigut dronit timmisartullu sorsuutit atorlugit unioq-quitsisarpur. 2025-mi unioqquitsinerit taamatut ittut an-nertuumik amerleriarsimapput.

Kina nunanut qanittuminiittunut sakkutooqarnikkut aam-ma taamatut unioqquitsisarpur. Kina ilaatigut Taiwanimut qunusaarisarpur, piaaralunilu filippinerit umiarsuannut Kinap imartaata kujataani angalasunut aporaaarsarluni.

### **Sunniiniarneq**

Ruslandip ingerlaavartumik Europami aamma Danmarkimi politikikkut aalajagiinernerit nalinnaasumillu isummer-sornerit sunnernerit. Taamatut sunniiniarnerit inger-lajuarput 2022-milu Ukrainimut sorsunnerup aallartinnera-niit Europami avissaartuutitsiniarneq Ukrainimullu taper-sersuinerit sanngiillisarniarnerinik siunertaqarsimalutik.

Sunniiniarluni ingerlatsinerit internetikkut kiisalu innuit sunniiniartartut ingerlanneqarpur. Inuit sunniiniartartut tassaapput nunanit allaneersunik isertortumik paasini-aasartunik suleqatillit nunani allani attaveqaatinik pilersits-iniarnikkut atorluaniarnikkullu sunniinissaq anguniarlugu.

Ruslandip Europami politikkerinut attaveqaatai annikits-unngooriarlutik, ukiut arlallit matuma siorna pingaartumik Ukrainimi sorsunnerup aallartinnerata kinguninnguaniit nunaminni ataatsimeersuarnernut politikkerinik qaaqu-sisalerput. Ruslandi attaveqaatinik kingusinnerusukkut sunniiniarnermini atugassaminik pilersitsiniarluni taama iliorpoq.

Kinap nunani killerni inuiaqatigiinni isummat nalinnaasut sunnernerit. Taamaalluni Kinap kissaatigaa akuer-saartumik isigineqalernissani, politikikkullu aalajangikkat imminut iluaqutaasussat sunnernerit.

Ruslandip Kinallu nunani allani sunniiniarnerminni inuusut-tut inuillu oqartussaassuseqalertussat isummersortartullu sunnernerit. Kinap pingaartumik peqatigiiffiinnit kommunistpartimut atassutilinnit politikkerit Kinamut isi-ginnittaatsimik akuersaartumik pilersitsisussat atorniar-lugit attaveqarfiginiartarpai. Piffissami ungasinnerusumi nunat allat politikkiannut kinamiut soqutigisaannut iluaqutaasumik sunniuteqarsinnaavoq.

### **DANMARKIMUT QARASAASIAKKUT Pinerlulluni aserortereratar-sinnaaneq**

Styrelsen for Samfundssikkerhed (SAMSIK) naalagaagiup Danmarkimut qarasaasiakkut pinerlunnikkut aserortereratar-toqarsinna-neranik naliliivoq

Pinerlufigiteriataarsinnaanerup ilimanarne-ranik SAMSIK naliliivoq:

- Qarasaasiakkut isertortumik paasina-aneq ASSUT QAFFASIPPOQ
- Qarasaasiakkut pinerlunniartarneq ASSUT QAFFASIPPOQ
- Qarasaasiakkut nittartakkanik allan-gorternerit QAFFASIPPOQ
- Aserorteriarluni qarasaasiakkut saassussinissaq AKUNNAPPOQ
- Qarasaasiakkut qunutitsiniaaneq SOQANNGILAQ

Aarlerisaarinermik naliliinerit SAMSIK-ip nittartagaani takuneqarsinnaapput [www.samsik.dk](http://www.samsik.dk)



# ISSITTOQ AVANNARLEQ

RUSLANDIP, KINAP USA-LLU SILLIMANIARNIKKUT  
AKERLERIINNERAT ISSITTUMUT SIARUARSIMAVOQ



Ruslandi, Kina USA-lu assigiinngitsunik issittumi soqutigisaqarput, tamarmilli immikkut anertunermik sunniteqarusupput. Ukiut kingulliit USA-p issittumi isumannaallisaanermi politikkikkut soqutigisani malunnartumik annertusisimavai, Ruslandip illersornissamut pia-reersaatini ingerlatiinnarai, Kinallu issittumi aqqartartoqarsinnaanini umiarsuarnillu umiartortitsisinnaanini sulissutigai. Ruslandi issittumi sakkutooqarnikkut nukittunersaajuarpog, nunanilli killernit unammillerneqartuttut imminut isigaluni. Taamaattumik Ruslandip annertu-siartortumik politikkikkut sakkutooqarnikkullu qisuariarsaaraluni iliuutsini ilungersuun-nerulissavai. Ruslandi ilaatigut nunanit killernit pillaatisiامينit eqqugaasimavoq taamaattu-millu Kinap issittumi suleqatiginissaa annertuserusuppaa, Kinalu issittumi pigisaminut pisinnaatikkusuppaa.

Augustimi 2025-mi Kinamiut umiarsuaat ilisimatusaatit marluk Kinap issittumi ilisimasassarsiornierisa 15-anni Issittup Imartaaniittut. Ilisimasassarsiorneq pivoq USA-p Canadallu avannaani Kalaallit Nunaata avannaata kitaani 1000 km miss. ungasissusillimmi.  
Xinhua/Abaca/Ritzau Scanpix

■ Naalagaaffissuit Ruslandip, Kinap USA-llu akornanni unammilleqatigiinnerit annertunerusumik issittumi pisalerput. 2022-mi Ruslandip Ukrainimut saassussinnerata sior-natigutut immikkortumi tassani sillimaniarnermi isumaqati-giingissutitut annikitsigijunnaarpoq. Issittup illersornissa-mut pilersaarusionermermi pingaaruteqarnera Ruslandip nunallu killiit aklerliinnerisa sakkortusiartornerat iluti-galugu annertusiartorpoq. Taama pisoqarnerani USA-p silli-maniarnikkut issittumik nakkutilliinera annertusiartussaaq.

Issittumi sillimaniarnikkut naalagaaffissuit imminnut ajugaaniunnerata nunat tamalaat tassunga soqutiginnin-nerulersissimavai. Tassani pingaartumik pineqarput USA-p Kalaallit Nunaannut soqutiginninnerata annertusiartornera naalagaaffiullu illersornissamut isumannaallisaaaneranut pingaaruteqarnera. Soqutiginninnerulerneq ilutigalugu kilit-sissiatut sulinissamut sioorasaarutit annertusisippaat tas-sanilu qarasaasiaq atorlugu nittartakkanik aserorterinerit, kunngeqarfimmilu Danmarkimi piffinni tamani sunniiniarne-rit suli annertuninngorsinnaapput.

Nunat marluk arlallilluunniit sorsuutilissagaluarpata issit-toq sakkutooqarnikkut illersornissamut pingaaruteqarluin-narpoq pingaartumik Ruslandip Kinap USA-llu raketiutaasa igeriuttakkat amerlanersaat issittoq qulaallugu inger-lasinnaammata.

Ruslandi ukiut qulit sinnerlugit sorsunnermut atorussianik amerliartortitsisimavoq, issittumilu sakkutooqarnikkut nutarsaasimalluni. Ruslandi issittumik sakkutooqarnikkut nukittunersaajuarpog, Ukrainimut sorsunnerata issittumi sorsunnissamut piareersarnissamut pilersaarutai arriillisi-lugillu kinguarsaraluarai.

Ruslandip umiarsuaatai aqqartartut atominik usillit issittu-mi sakkutooqarfinni inissisimapput. Umiarsuit aqqartartut USA-p Ruslandimut saassussinnginnissaanut pingaarute-qarluinnarput, Ruslandip atomi atorlugu akilluni saassus-sinnaaneraniq qulakkeerimmata.

USA-p issittumi sillimaniarnikkut pilersaarusionerata an-nertusineranut pissutaavoq, USA-p qanittuminiittut iller-sussallugit pingaartinnerummagit. Ukiut kingulliit ingerlane-rini sakkutooqarnikkut ingerlatsinerulersimavoq ilinilusoor-lu Danmarki sungiusaqatigisarlugit. USA-mut issittoq siulli-ulluni pingaarnersaalluni kalerrissaarivissaavoq naalagaaf-fissuit Ruslandimut imaluunniit Kinamut sorsulissagaluarpata. Radarit Pituffik Space Basemiittut akeqqat raketiuta-at amerikap nunataanut igeriussat malugisussaavaat.

Kinap issittumi siunissami sakkutooqarfeqalernissaminik sulissuteqarnerisa annertussusaannik pissusaanillu USA-p naliliineri issittumik pimoorussilluni pingaartitsineratut isi-gisariaqarpoq. USA-p Kinamiut issittumi pingaartumik USA-p naalagaafianut ilaasuni sakkutooqarnikkut ingerlat-sissappata unioqutitsinertut annertuutut isigissavaa. USA-p sillimaniarnikkut unammillertaasa Kina annersaraat. USA-mullu pingaaruteqarpoq Kinap umiarsuarnik sorsuuti-nik timmisartunillu issittumut nassiussinnginnissaanut aar-lerisaaruteqassalluni.

### Ruslandip suli issittoq pingaarnersiugaraa

Ruslandi issittumi pigisaminut tamanut sakkutooqarnikkut aammalu innuttaasut sakkutuujunngitsut akornanni pilersaaruteqarpoq. Ukrainimi sorsunerup USA-lluunniit Kalaal-lit Nunaannik issittumullu annertunerusumik soqutiginniler-nerata Ruslandip siunissami ungasinnerusumi tassani soqutigisai pilersaarutaalu allanggortinngilai. Ruslandip sorsunnissamut piareersaatitut pilersaarutasa issittumi piginnaaneqarnersaalluni misigisimanera qulakkeertussaa-vaat. Ruslandip pingaartumik issittumut nammineq pigisa-minut aqquutit nakkutilliifigerusuppai. Taamaammat Ruslan-dip sakkutooqarnikkut sakkuni issittumi suli nakussassar-niarpai, sorsuutini avannaaniittut (Nordflåden) nakussas sarlugit, issittumilu pigisamini tamani sakkutooqarnikkut attaveqatigiinneq nutarsarlugulu allisarpara. Ruslandip imartami avannarliit ilaanni angalasinnaaneq qangali killi-lersoreerpaa, nunat tamalaat imartanik killilersuinerat aki-morlugu killilersuilluni malittarisassallu suli annermik suka-tissagunarlugit. Tamatuma saniatigut Ruslandip pinngor-titami isumalluutit annertuut issittumiittut atorussuppai.

Ukrainimut sorsunnerup qanoq ingerlanera Ruslandip pilersaarutaasa piviusunngortissinnaaneranut annertuumik aalajagiissaaq. Sorsunnerup sakkutooqarnikkut aningaasa-qarnikkullu isumalluutit nungusarpai. Tamanna ilutigalugu Ruslandip nunani allani aningaasaliinissat atorussaanillu im-mikkuullarissunik amerlanertigut pillaatiniq akileraarusik-kanik tikisitsinissaaq pisariaqartippai, tamakkulu amerlaner-tigut nunani isumaqatigiissuteqanngitsuni pisiarisarlugit.

Ruslandili aningaasaqarnikkut isumalluutit saniatigut aam-ma allanik unammilligassaaqarpoq. Pingaartumik Nunat kil-liit sakkutooqarnikkut issittumi annertusiartortumik sulini-uteqarneri, Finlandip Sverigillu NATO-mut ilaasortanngor-neri, Nunallu killiit issittumiittut sorsunnissamut piareer-saatiniq piareersaateqarneri Ruslandip immikkoortumi pissaaneqarpajuneranut ajornartorsiortitsissapput.

## SORSUTTOQALISSAGALUARPAT RAKETIT IGERIUTTAKKAT UNGASISSUMUT INGERLASARTUT AQQUTIGISINNAASAAT


Nordamerikap Ruslandillu akornanni aqqut naannerpaaq Qalasersuakkoor-  
poq. Ruslandimit USA-mut raketimik igeriussinermi aqquataasinnaasut  
nunap assigata takutippai.



## ATLANTIKUP AVANNAA ISSITTUMUT AQQUTAAVOQ

Ruslandip atorsinnaasani tamaasa atorlugit Kalaallit Nunaata, Islandip, Savalimmiut Tuluillu Nunaata akornanni imartaq, GIUK-gabimik taasaaq, nalunaarsorpaa. NATO-mut akkerliissute-qaleriataarnissamut piareersarluni taamaaliorpog.

-  Aalisariutit
-  Umiarsuit ilisimatusaatit
-  Aqqartartut
-  Russit timmisartui
-  Russit qaammataasai



Ruslandip sulisut atortullu ilai issittumi atortakkani Ukraini-mi sorsunnermut nuutsissimagaluarai issittumi atortui pingaarnerit kalluarneqanngillat. Assersuutigalugu Nordflå-denip sulii umiarsuit, aqqartartut sorsuutit aqqartartullu atominik sakkullit isumalluutigai. Timmisartut amerlaner-saat sorsunnermi atoraluartut issittumut timmisartut sor-suutit qaartartumillu usisartut sukkasuumik issittumut sakkutooqarfimminut nuussinnaavai. Tassannga Ruslandip issittup annertunersaani Atlantikullu avannarpasissortaanii Nunanut killernut ilaasut eqqoriagassat sivikitsumik periar-fissaqarluni saassussinnaavai.

Ruslandi sakkutooqarnikkut issittumiinnissaminut periar-fissaqarluarpoq. Tamatumunnga peqqutaavoq Ruslandip inuinnarnut angalanissamut ataqatigiissaarinerit aningaa-saqarnikkut suliniutit aqputigalugit suliaritissimammagit, kiisalu sakkutooqarfiliornertit Ruslandip ukiut qulikkaat kingullit annertusarsimammagit. Tamakku tassapput Ruslandip sineriaata avannaani qeqertani sakkutooqarfiit aalajangersimasut Issittup Imartaani nunap siornani pallit-taalisatut atuuttut.

Ruslandip atortuisa ilagaat sikumik aserorteruterpassuit, sorsunneqalissagaluarpallu russit sorsuutaasa angalas-innaanannut iluaqutaasinnaapput. Sikunik aserorterutit ilaat immaqaa aamma raketsinik igeriuttakkanik atortu-lersorneqarsinnaapput, umiarsuarnut nunamiittunullu saassussisinnangorlugit.

Ruslandip issittumik nakkutilleerusunnera aallaaveqarpoq nunap avannaata tungaa saassukkuminartutut isigigamiuk. Ruslandip ernumagaa avannaaniit saassuneqassagaluaruni illersorsinnaassanani, isumaqavissorporlu saassunneqari-ataarsinnaaneq annertusiartortoq. Nunat killiit issittumi atortuisa amerliartorneri ilutigalugit Ruslandillu avannamut sineriaa sikueriartortillugu. Ruslandi isumaqarpoq issittumi nakkutilliinikkut kissaatini massakkorpiq angusinnaanagu issittumi atortumi annertussusaat naammassorinnginna-migit. Taamaattumik issittumi sorsunnissamut piareer-saatit pingaaruteqarluinnarput. Tamatumunnga asser-suutaasinnaavoq 2025-mi juulimi Ruslandip aqqartartuisa atominik usillit nutaanersaat Nordflådimut ilanngummat. Ili-manaateqanngilarli Ruslandi Ukrainimut sorsuinnartillugu issittumi sorsunnissamut piareersaanermut nutarsaane-mullu pilersaarutini ukiut tullit pingasuniit tallimanut inger-lanerisa iluini piviusunngortissinnaassagai.

### **Atlandikup avannaa Ruslandimut pingaaruteqarluinnarpoq**

Ruslandimut Kalaallit Nunaata, Islandip, Savalimmiut Tuluil-lu Nunaata akornanni imartaq tassaavoq GIUK-gabimik ta-asagaq, issitumut aqputit pingaarnersaat. Taamaattumik Ruslandi NATO-mut sakkut atorlugit akkerliissuteqalis-sagaluarpat GIUK-gab pingaaruteqarluinnartussaavoq.

Akkerliinnermi taamaattumi Ruslandip aqqartartut sor-suutit, malugineqaratik GIUK-gab-ikkorsinnaasussat ator-lugit USA-p Europallu akornanni pilersuinikkut aqputit saas-sunniassavai. Tamanna ilugutigalu Ruslandip NATO-p aq-qartartui tassuunnaartut aamma sumiissusersiniassavai.

Taamaattumik Ruslandip NATO-p suliniutai aqqissuulluak-kamik nakkutigai, GIUK-gab-imilu imartat tamaasa nalu-naarsorlugit. Umiarsuit sorsuutit, sorsuutaanngitsullu ator-lugit ilaatigut aalisariutit misissuutillu allat soorlu timmisar-tut satellitillu atorlugit taamaasiorput. Ruslandip paasis-sutissat tamakku piffimmi tassani sakkutooqarnikkut pilersaarutiminik nutarterinnermini atorpai. Ruslandip kis-saatigaa NATO-mut sakkut atorlugit akkerliilerneqalissa-galuarpat, akkerliinnerup siornatigut ingerlaneranilu NATO-p umiarsuaataasa angalasinnaanerit ajoqusersin-naassallugu, immallu iluani angallanerit tamaasa akornu-sersinnaassallugit imaluunniit saassullugit aserortersin-naassallugit.

**Timmisartumik alapernaasuineq**  
Aasami 2024-mi siul-  
lermeerlutik Ruslandip  
Kinallu ataatsimoorlutik  
Beringstrædip avan-  
naani timmisartunik  
raketinik ungasissumut  
igeriuttakkanik usilinnik  
alapernaarsuititsipput.



**Sinerissami nakkutilliisut**  
Kinamiut sinerissami  
nakkutilliisoqarfiat  
napertorlugu ukiakkut  
2024-mi russit umiar-  
suaat nakkutilliisartōq  
Kinamiullu umiarsuaat  
nakkutilliisartōq ataatsi-  
moorlutik Issittup  
imartaani angalapput.



**Umiarsuit ilisimatusaatit**  
2025-mi umiarsuit sikunik  
aserorterutit sisamat, ilisi-  
matusaallu ataaseq Issittumi  
angalapput. Aatsaat taama  
amerlatigisunik angalasoqar-  
poq. Umiarsuit ilaatigut  
Kinap Issittumi umiarsuarnik  
aqqartartunillu angalatitsisa-  
lernissaanut paasissutissa-  
nik katersuipput.

Ruslandimut aqut  
aqutigineqarnerpaaq

RUSLANDI

A  
+

KALAALLIT  
NUNAAT

## KINA SAKKUTOOQARNIKKUT ISSITTU- MIILERNISSAMINUT PIAREERSARPOQ

Kina Issittumi umiarsuarnik sikunik aserorteruti-  
nik ilisimatusaatinillu angalatitsisarpoq, tassani  
Ruslandi alapernaarsuinikkut sungiusaqatigisar-  
lugu. Issittumi nammineq sakkutooqarnikkut  
suliaqalersinnaanissaq tamatumunnga siunerta-  
avoq. Kinap annertunerusumik Issittup imartaani,  
Beringstrædip avannaani Qalasersuup tungaa  
angallavigisarpaa.

SAVALIMMIUT

TULUIT  
NUNAAT

### **Kinap issittoq nunarsuarmi inissisimanera tunngavigalugu isiginiarpaa**

Kinap issittumi sakkutooqarnikkut inissisimarusunnera sil-limaniarnikkut USA-mut unammillerneranut tunngassute-qarpoq. Kina suli issittumut sakkutooqarnikkut inissiisi-manngikkaluartoq, ukiut tallimanit qulinut ingerlanerini nammineq issittoq umiarsuarnik sorsuutininik aqqartartunil-lu angalaffigalissallugu angorusuppaa. Kinap angorusup-paa aqqartartuninik raketinik igeriuttakkanik sakkulinnik sikup ataatigut angalasalissalluni Ruslanditut USA-tullu il-lersorniarluni atomit atorlugit saassussisinnaajumalluni.

Kina sikunik aserorterutit ilisimatusarnermut atorlut issittup imartaanut appakaassinnaalersimavoq. Ukiut tamaasa issittumi ilisimasassarsiornikkut ingerlatsisarpoq ilaatigut issittumi umiarsuarnik aqqartartunillu angasaler-nissaminut tunngavilersuutissaminik paasissutissanillu ka-tertsisarluni.

Kinap sikunik aserorterutini sukkasuumik pitsanngorsarpai, 2024-milu Kina issitumi ataatsikkut pingasunik sikunik aserorterteqarpoq. 2025-mi issittumi sikunik aserortertu-tinik sisamanik umiarsuarmillu ilisimatusaammik ataatsi-mik angalasoqarpoq. Ukiuni kingullerni imartaq Bering-strædip imartaata avannaaniittoq ukkataralugu uliaqarput.

Kina siunissami ungasissumi issittumi aningaasaqarnikkut soqutigisaqarpoq, tassanilu immakkut angallavissanik pinngortitamillu isumalluutininik atuisinnaanernut kissaate-qarluni. Issittumi immakkut angallavissat ilaatigut Kinap Suezkanalikkut Malaccastrædikullu angalasariaqarneranik annikkilliisussapput. Aqqutit taamaattut matuneqassa-galuarpata assersuutigalugu ajornartorsiuteqalernerimi, Ki-nap aningaasaqarneranut annertuumik kinguneqartitissap-put. Issittumi pinngortitap isumalluutaanut atuisinnaaler-nerup Kinap nukissiornikkut aatsitassanillu piffinnit nunar-suarmi assigiinngitsunit pisisinnaalersissavaa.

Kalaallit Nunaanni Kinamiut suliffeqarfiisa aningaasalee-rusunnerat iluatsissimanngilaq. Kinalli piffissami ungasis-umi issittumik soqutigininnerinut aamma Kalaallit Nunaat ilaavoq, Kinalu suli pingaartumik ilisimatusarnikkut kisianni aamma niueqatigiinnikkut Kalaallit Nunaat suleqati-gerusuppaa.

### **Ruslandi Kinalu issittumi suleqatigiilluarneruniarput – immaq aamma sakkutooqarnikkut**

Ukiuni tulluuttuni Ruslandi Kinalu issittumi akerleriinnik soqutigisaqaraluarlutik siammasinnerusumik suleqatigiillu-arneruniarput. Ruslandip tunngaviusumik kissaatigaa issit-tumi nunat kisimik sakkutooqarnikkut najuutissasut ass. umiarsuit timmisartullu. Taamaattumik Ruslandip Kinap is-sittumi sakkutooqarnikkut najuussinnaalernissaa kissaati-ginngilaa.

Ruslandili Kinamut isumaqatigiinniarnissamut sanngiitsu-mik inissisimavoq. Taamaammat Ruslandip Kinap issittumi sunniuteqarneruniarnera allatut ajornartumik akuerisari-aqarpaa. Ruslandi pillaatini sakkortuunik atugaqarpoq, russillu issittumi pigisaanni aningaasaqarnikkut periarfis-sat, uulia, gas aatsitassallu eqqarsaatigalugit, atornissaat ajornakusoorpoq. Ruslandip nunanit allanit teknologi, ilisi-masat aningaasaliinerillu suliniutit ingerlajuarnissaannut suliniutinillu nutaanut atugassani pisariaqartippai. Russinut pillaatit Ukrainimilu sorsunnerup russit aningaasaqarnikkut sanngiillisikkiartuaartillugit Ruslandip issittumit pinngorti-tami isumalluutai qularnanngitsumik pingaarteqarneru-lissapput.

Kinap Ruslandimit pissaaneqarnerulernini pinngortitap isu-malluutaanik akikitsumik pissarsinissamut Ruslandillu avannaani killeqannginnerusumik umiartornissaminut ator-niarpaa. Ukiuni kingullerni Kina issittumi Nunat killiit pigi-saanni niuernerimik imaluunniit ilisimatusarnikkut suliniuti-nik pilersitsiniapiloorsimavoq. Amerikarmiut piffimmi tas-sani soqutigininnerat Kinamut ajoqutaaginnassaaq. Taa-maalilluni annertusiartortumik Ruslandi Kinap issittumut appakaannissaanut aqputaalissaaq.

Kinap aamma issittoq pillugu russit sakkutooqarnikkut ing-erlatsinermik ilisimasaat misilittagaallu pissarsiariniarsa-rissavai. Ruslandi teknologikkut misilittakkatigullu Kinamit pingaartumik aqqartartut raketsinik igeriuttakkanik usisut sikup ataatigut angalasarneri sikunillu aserorterutit atomi-nik ingerlatillit eqqarsaatigalugit siuarsimaneruvoq. Ilima-narpoq 2026-mi nunat taakku marluk issittumi russit pi-gisaanni sungiusaqatigiissasut. Issittumi taassumalu ava-taani sungiusaqatigiinnerit USA-mut Nunanullu killernut pi-lersaarusiornertit pillugit kalerrisaarisuussapput.

Taamaattumik Ruslandip issittumi Kina sungiusaqatigissalugu piumassusianut Ruslandip USA-llu attaveqatigiinnerat apequtaassaaq. Ruslandip USA-llu attaveqatigiinnertik iluarsissappassuk, issittumi Ruslandip Kinamik suleqateqarneranut sunniuteqassaaq. Assersuutigalugu Amerikarmiut russit nukissiornikkut suliniutaannut aningaasaliippata Ruslandip Kinamik atorfissaqartitsinera annikillissaaq. Tamatuma Ruslandip Kina issitumut russit pigisaannut apakaasinnaanannerannik akuersinnginnissaat ilimanarnerulersissavaa.

#### **Ruslandi issittumi tamaviarnerulluni ingerlassaaq**

Ruslandip ilimagaa, Ukrainimut sorsunnerminik ukkataqarnera Nunat killiit atorluarniassagaat, avannaanik russit nakkutilliinerat sanngiillisinniarlugu. Taamaattumik Ruslandip salluutippaa issittoq russit pigisaat issittumilu imarpik umiarsuarnik timmisartunillu alapernaarsortuarlugu.

Russit Nunat killiit sakkutooqarnikkut issittumi naalagaaffimmik eqqaanut pinnginnissaanut qunusaaralutik misilissavaat. Taamaattumik Ruslandip Amerikarmiut Nunanillu killernit issittumi najuunnerat annertunerusumik pissaaneqarnini takutinniarlugu aamma allatut iliuuseqarluni qisuariarfigissavai. Qularnanngitsumik Ruslandi annertusiartortumik ilimagisassaanngitsumik makitasuumillu iliuuseqartalissaaq. Taamaaliernerit tassaasinnaapput piffimmi Nunanit killernit sakkutooqarnikkut sungiusarnerit sakkortuumik qisuariarfigalugit, assersuutigalugu soqqusaatsumik umiartornikkut imaluunniit saassussisuusaarnikkut. Ruslandip aamma aalisariutit Nunanit killerneersut issittumi russit pigisaasa eqaanni angalasut ajoqusersorsinnaavai imaluunniit tigusarisatut uningatillugit.

Ruslandip Østersømi aarlerissuteqarani iliuusai aamma issittumi atorneqarsinnaapput, aamma Ukrainimut sorsukkunnaarnerup kingornani pisinnaapput.

#### **Ruslandip kunngeqarfimmu Denmarkimut qunusaarutai issittumi Atlantikullu avannaani qunusaarutaanit allaanerupput**

Ukiuni aggersuni Ruslandip sakkutooqarnikkut kunngeqarfimmu Denmarkimut qunusaarineri amerlissapput, Ruslandimilli piviusumik sakkutooqarnikkut Kalaallit Nunaanut Savalimmiunullu saassussinissamut qunusaarineri Denmarkimut qunusaarineranit allaanerupput. Ruslandip qularnanngitsumik Kalaallit Nunaat savalimmiullu Amerikap avannaanut ilaasutut isigai, tamannali isumaqanngilaq Europamut akelleriinnermi Savalimmiut Kalaallillu Nunaat pinngitsooratik ilanngunneqartut.


Russilli kunngeqarfik Danmarki Atlantikup avannaani issittumilu makitasaarfigisinnaavaa. Taamatuttaaq, Ruslandi ungasikkaluaqaluni, piffissat ilaanni aqqartartunik umiarsuarnik timmisartunillu atuilluni Kalaallit Nunaata eqqaaniit-tarpoq. Tamatuma saniatigut Ruslandip umiarsuit sorsuutaanngitsut atorlugit russit naalagaaffiat sinnerlugu nakkutilliisunik sumiiffinnut kunngeqarfiup iluaniittunut angalasarpog.

Ruslandip aamma nunani tamani malittarisassat periaatsillu malittariunnaariartussavai. Assersuutigalugu Ruslandip sumiiffiit ilaanni nammineq nunat tamalaat inatsisaat malilugit oqartussaaffiginngisamini aqutsisuulersinnaavoq. 2022-mi imarsiornermi malittarisassiamini Ruslandi immi-nut pisinnaatippoq immap toqqavia annertusisag tamaat, pigilerumallugu piumasaqaatini, sakkutooqarnikkut naalagaaffigissallugu.

Ruslandi nunat tamat malittarisassaat malillugit avannarpasinnerusumik oqartussaaffeqalerusussagaluarpas, dan-skit Nunalluunniit killiit umiarsuaannut imaluunniit timmis-artuinut sakkulersorluni aporaannermik kinguneqaratarsinnaavoq.

Ruslandip makitanerusumik pissusilersoraluarluni naam-magileruniuk issittumi suleqatigiissinnaanerup pisariaqarnera eqqartulissavaa. Ruslandip kunngeqarfiup Denmarkip Issittumi Siunnersuisooqatigiinni siulittaasuunera pissutigalugu russit suliniutinut ilanngunissaannik kimigiiserfigisagaa qularnanngilaq. Aamma ilimanarpoq Ruslandip ilaannikkut kunngeqarfik Danmarki Nunallu killiit issittumi avatagiisnik ajoqusiinerarlugit imaluunniit nunat inoqqaavisa pi-ginnaataaffiinik unioqqutitsinerarlugit isornartorsiortas-sagai. Ruslandip ilaatigut tunngavilersuilluni isornartorsiuis-saaq Issittumi Siunnersuisooqatigiinni suleqatigiinnerit kil-leqarnerisa issittoq ajoqusissagaa.

Ruslandilli nammineq piffimmi anguniagaqaraangami nunat inoqqaavi imaluunniit issittumi avatagiisit soqutigitaaf-figisarpai. 2024-mi nammineq malittarisassani unioqqutillugit umiarsuit arlallit ilaatigut uuliamut assartuutit, taama angalanissamut sanaajunngikkaluartut imartani sikunik ulikkaartuni angalatippai. ■



## KINAP ISSITTUMI UMIARSUIT AQQARTARTUT ATORLUGIT SULILERNISSAQ KISSAATIGAA

Issittoq inissisimavoq raketinik igeriuttakkanik atominik usilinnik nunarsuup affaani avannarlermi eqqorusutanut igeriussiffiusinnaalluni pitsassuaq, raketip ingerlavissaa naannerussammat taamaallillunilu illersoriarnissaq ajornakusuussalluni. Pitsaaqutit ilagaat Issittumi sikup ataani aqqartartut toqqorsimasinnaammata. Taamaattumik Ruslandimut USA-mullu atomit atorlugit saassussinermi Issittup imartaani sikup ataani raketinik igeriuttakkanik usilinnik aqqartartoqarsinnaaneq illersornissami periafissaalluarput.

Kinap naalagaaffittut atominik sakkulittut taamatut pisinnaaneq aamma kissaatigaa, tamannalu angussaguniuk Issittumi sikup ataani aqqartartunik raketinik igeriuttakkanik usilinnik angalasinnaasariaqarpoq. Taamaattumik Kinap kissaatigaa Issittumi aqqartartunik angalatitsisinnaalernissaq. Aqqartartut qajannaal-lisarneqarsinnaapput **1**, siku akulloqqussinnaalerlugu **2**. Aqqartartut annerit tamarmik raketinik igeriuttakkanik 10.000 km angullugu igeriunneqarsinnaasunik, kiisalu atomimik qaartar-tulerneqarsinnaasunik **3** sakkulersorneqarsinnaapput.

# SAMMISAQ: ATAQATIGIINNIKKUT AAQQISSUUSINERNUT QAJANNARTUNUT SIOORASAARUTIT

Pingaartumik Ruslandi, aammali nunat aallat, Nunani killerni ataqatigiinnikkut aaqqissuussanut qajannartunut anner-tuumik siorasaarisuupput. Qarasaasiakkut pinerlunniartartut Ruslandimik tapersersuisut ajornanngitsunik aserorterillutik qarasaasiakkut nittartakkanik ilaatigut Nunani killerni ataqatigiinnikkut aaqqissuussanut qajannartunut aserortereerput. Tamatuma saniatigut Ruslandi 2023-miit Europamiittunut arlalinnut aserorterisuusarpoq.

Siunissami ataqatigiinnikkut aaqqissuussanut qajannartunut inuiaqatigiinnut pingaarutilinnut assersuutigalugu angallannernut, nukissiorfinnut internetimullu saassussinerit ajornerusumik annertunerusumillu kinguneqaratarsinnaapput. Massakkut siorasaarutit taamaattut ilaatigut takuneqarsinnaapput, naalagaaffiit allat ataqatigiinnikkut aaqqissuussanik qajannartunik saassusisinaanissaminut pia reersaateqarmata. Piareersaait ingerlanneqarput timitaliinnikkut digitalitullu taakkulu ilagaat ataqatigiinnikkut aaqqissuussat, ilaatigut kabelit, aqqusiat sullullit, umiarsualiviit timmisartoqarfiillu.

## Immap naqqatigut ataqatigiinnikkut aaqqissuussat ajortiasuupput

Ruslandip Danmarkimi ataqatigiinnikkut aaqqissuussat qajannartut aaqqissuulluakkamik nalunaarsorpai. Taamatutaaq pineqarput kunneqarfimmi Danmarkimi qanittuanilu immap naqqatigut ataqatigiinnikkut aaqqissuussat qajannartut. Qularnanngitsumik Ruslandi NATO-mut annertusiar-tortumik akerleriissuteqalissagaluaruni aserorteraluni saassussilluniluunniit eqquriagassami sumiinneri paasiu-mallugit taamatut iliorpoq. Ruslandi immap naqqani ataqatigiinnikkut aaqqissuussanut saassussisinnaavoq asser-suutigalugu aqqartartut dronillu immap iluani ingerlasartut atorlugit. Atortorissaarutit tamakku ingerlaavartumik ineri-artortinneqarput pitsanngorsarneqarlutillu.

Immap naqqatigut ataqatigiinnikkut aaqqissuussat saas-sunneqarnerini illersornissaat ajornakusoorpoq. Tamatu-munnga peqqutaavoq ataqatigiinnikkut aaqqissuussat amerlanertigut immami isorartuumi siassimasarmata nak-kutiginissai paarinissaalu ajornakusoorlutik. Tamanna pis-sutigalugu aamma qularnaatsumik aalajangeruminaappoq kikkut saassusisuunersut.

Ukiut tamaasa Østersømi kaapilit arlallit asororneqartar-put. Ukiut marlussuit kingulliit ingerlanerini kaapiliniq alla-nillu ataqatigiinnikkut aaqqissuussanik aseruinerit amer-lassusaat, ukiut kingulliit qulit ingerlanerini aseruinerit amerlatigaat. Immap naqqani ataqatigiinnermut aaqqis-suussat akuttunngitsumik ajoqusertarput, tamakkulu nali-ginnaasumik saassussinermit imaluunniit aserorterinermit pineq ajorput. Ajoqusernerit ukiukkut aalisariutinit umiar-suillu kisaannit silap ajornera pissutigalugu piaarinaatsoor-nikkut pikkajupput. Danskit imartaanni Østersømilu ataqatigiissumik aaqqissuussat pingaartumik ajutoornerni ta-amaattuni ajortiasuupput.

## Naalagaaffinni qarasaasiakkut pinerlunniartartut ataqatigiinnikkut aaqqissuussanik kipititsinisamut piareersarput

Ruslandi qarasaasiakkut nittartakkanik annertooujusuar-nik Nunani killerni ataqatigiinnikkut aaqqissuussanik qajan-nartunik pisariitsumik saassussinermit pereersimasunit ajornermik aserortersinnaavoq. Ruslandip tamanna Ukra-inimut sorsunnermini arlaleriarluni takutereerpaa, naala-gaaffimmi qarasaasiakkut pinerliisartut ilaatigut ataqati-giinnikkut aaqqissuussat qajannartut kipinerisigut.

Aserorteriinialuni qarasaasiakkut nittartakkanik aserorte-rilluni saassussinerup Danmarkip annersaa ataatsikkut eqqorsinnaava. Assersuutigalugu qarasaasiakkut nittartak-kakut saassunerimi, nukissiorfiit imaluunniit interneti su-miiffimmi anginerusumi tiimit imaluunniit ullut arlallit unit-sinneqarsinnaammata. Tamanna aamma nunani allani kingunerlutitsinnaavoq, soorlu nunanut allanut saassussi-nerit Danmarkimut sunniteqarsinnaammata.

Ruslandip massakkut pisinnaanini tunngavigalugu ilimanan-ginneruvoq qarasaasiakkut nittartakkanik saassussinerit taamaattut Danmarkimut atussagai. Ukiunili marlussunni kingullerni russit naalagaaffianni qarasaasiakkut pinerlunni-artartut danskit ataqatigiinnikkut aaqqissuussaannerinik qa-jannartunik soqutiginninneri annertusisimapput. Taamaalil-luni ilimaqarpoq, Ruslandi danskit Nunallu killit ataqatigin-nikkut aaqqissuussat qajannartut iserfiginiarsarilereersi-magaat. Ilimanarpoq taamatut sulaqarnerit ilaasa siunertarigaat qarasaasiakkut nittartakkanik aserorterinik-kut ataqatigiinnikkut aaqqissuussaannerit saassusisinaan-nut piareersaataasut Ruslandip kingusinnerusukkat atoru-masinnaasai. Taamaattumik sioorasaarinerit annertusipal-lassinnaapput.

Russit naalagaafimmi qarasaasiakkut pinerlunniartartu-  
isa ilaatigut inuiaqatigiinni danskini ingerlatsinerit pingaa-  
rutillit eqqornissaat soqutigaat, NATO-p Ruslandillu akor-  
nanni akeriittoqalissagalurpat pingaaruteqartussat.

Kina maannakkut pisinnaagalarluni kunngeqarfimmi  
Danmarkimi ataqatigiinnikkut aaqqissuussanik qajannar-  
tunik saassussinissaa ilimanangilaq. Akerleriinnermili  
sakkortusiartortumi assersuutigalugu Kinap Taiwanillu  
akornanni aaqqiagiinnginnerup kingunerisaanik allann-  
gorsinnaavoq. Taamaalissappat ilimanarpoq Kina nuna-  
nut Kinap Taiwanimik sakkutooqarnikkut tapersersorso-  
risaanut qarasaasiakkut nittartakkanik aserorteraluni  
saassussissasoq.

### Teknologi nunanit allaneersoq sanngeequtaasinnaavoq

Nunat arlallit isumannaallisaanikkut suliallit naalagaaffi-  
ullu isertortumik paasiniaasartui atortunut digitaliusunut  
isersinnaatittarpaat imaluunniit nakkutilliisillugit. Asser-  
suutigalugu Kina taamaappoq.

Tamakkuununga ilaapput digitalikkut atortut atuisunit  
naligninnaasunit atorineqartut ilaatigut routerit, aammali  
attaveqarnikkut ataqatigiinnerni qajannartuni maskiinaat  
ilaat, ass. nukissiornikkut imaluunniit nalunaarasuarta-  
atikkut ataqatigiissaarinerit.

Nunanut Kinatut ittunut digitalikkut atortunut isersinna-  
anerup nakkutilliinerullu iluani sanngeequtit taamatut  
aqqutigalugit atuinissamik periarfissiipput. Sanngee-  
quteqarnikkut ilisimasat atornerlunneqarsinnaapput  
ilaatigut internetimut atassutillit pinerlulluni pulanerisi-  
gut. Tassani siunertaavoq qarasaasiakkut isertortumik  
paasiniaanerit imaluunniit attaveqarnikkut ataqatigiisaa-  
rinerit qajannartunik aserorterineq.

### ØSTERSØMI ATTAVEQATI- GIINNIKKUT AQQUTIT

Østersø immikkut ajutooriataarfiusin-  
naavoq, umiarsuit kitsat immap naqqatigut  
ingerlatinnerisa kinguneranik.

- Østersø immanut umiarsuarnik ikinnermik angallaffiusunut naleqqiullugu annertuumik angallaffiuvoq, ajutoorfigineqarnerusinnaallunilu.
- Østersø ikkappoq, imartaatalu annersaani kitsat uniakkat immap naqqanut tussinnaallutik.
- Østersø immap naqqani ataqagiinnikkut atortulersugaavoq, taamaasillunilu kitsat uniakkat kaabilit ledninggillu sullunut puukkat aserorsinnaallugit.
- Pingaartumik ukiukkut Østersømi sila anorlerajuttarpoq mallingaatsiartarlunilu, taamaalilluni piaarinaatsoornikkut umiarsuit kisaasa immamut kivisoornissaat annertusisillugu.

■ Oqarasuaatinut kaabilit  
immap naqqaniittut

Tigusiffik: [submarincablemap.com](http://submarincablemap.com)



# KINA

KINA NUNANUT KILLERNUT  
AKERLERIISUTEQARNISSAMUT  
PIAREERSARPOQ



Kina USA-lu politikikkut teknologiikkut aningaasaqarnikkullu sakkortuumik ajugaanniupput. Kina ilaatigut Asiami naalagaanersatut inissikkusuppoq Taiwanillu Kinamut pinngitsaalillugu ilannguteqqinnissaa kissaatigaa. Pissutsit taakku marluk pinissaannut Kina USA-mit pissaaneqarnerussasoq pisariaqarpoq. Taamaattumik Kina Ruslandillu nunallu allat Nunanut killernut ilaangitsut suleqatigineri pitsanngorsarlugit saktutooqarnikkut piareersarpoq. Tamanna ilutigalugu Kinap aningaasatigut teknologiikkullu ineriartortitsinermini nunanik allanik isumalluuteqannginnissani sulissutigaa. Kina nunanut killernut annertunerusumik akerleriilernissamut piareersarpoq.

2025-mi septemberimi Beijingimi sakkutuut ingerlaaqatigiinnerat  
Imago/Ritzau Scanpix

■ Kinap kissaatigaa Asiami pissaaneqarnerpaajunissani nunarsuarmilu naalagaaffissuujumalluni malunnaatilik. Tamanna anguniarlugu Kinap ilaatigut sakkutooqarnikkut nutarteraluni kiisalu nunanit allanit ilisimasanik teknologimillu nuutitsisarluuninunat sanilini suleqatiginissaannik kimigiiserfigai.

Kinap USA akeqqatut isigaa, ineriartornerminik unitsitsiniasutut nunarsuarmilu malunnaatillimmik naalagaaffissuujumanerminut akornusiiniartutut. Taamaattumik Kina akerleriinnerit ajugaaffigisinnaajumallugit ilaatigut sakkutooqarnikkut pitsaangorsaalluni nunanullu killernut aningaasaqarnikkut teknologikkullu pisariaqartitsinini millisarlugu piareersarpoq.

#### **Taiwanimut akerleriissuteqalernissaq annertusiartorpoq**

Kinap nunarsuarmi malunnaatillimmik naalagaaffissuujumalluni pilersaarutini piviusunngortissaguniuk assortugasaaingitsumik Taiwaninunaminut ilaasutut nakkutigisariaqartutullu isigaa. Kina USA-lu akerleriissagaluarnik Taiwanimik nakkutilliinermigut Manerassuup kippasinnerusortaanut akornuteqanngitsumik pisinnaassaaq. Taamaattumik Kinami kommunist partiata præsidentiatu Xi Jinpingip anguniagaasa pingaarnersaraat Kina Taiwanimut ilannguteqqissasoq. Anguniagaq tamanna nikalluilluni anguniassavaa.

Kinap Taiwan assigiinngitsunik periaaseqarluni nunaminut pinngitsaalillugu ilaatilerumallugu kimigiiserfigaa, periaatsit sorsunngitsiarnermut killeqartut atorlugit. Kina Taiwanimut aarlerinartumik pissuseqarpoq, minnerunngitsumik sakkutooqarnikkut. Ullut tamangajaasa Kiinamiut umiarsui sorsuutit timmisartullu Taiwanip eqqaaniittarput. 2022-miit Kinap sungiusarnerujussuit, assersuinissamut qaartartumerinissamullu sungiusarnerit ingerlattarpai. Sungiusarnerit sorsulivinnissamut sungiusarnerit immikkoortikkuminaassinnaapput. Kina aamma akuttunngitsumik sineriammi toqqakkami ilaanut sakkutuuninunamut ikaasuuinermik sungiusartarpoq.

Kinap aamma sunniiniutit, kilitsissianik sulisoqarneq qaraasaasiakkullu pinerluttumik paasiniaaneq Taiwanimut atorarpai. Tamatuma saniatigut Kinap Taiwaninunanut allanut attaveqarneranit peersinniarsaraa. Assersuutigalugu Kinap nunat allat Taiwanimit politikerinik tikeraartoqannginnissaat anguniarlugu kimigiiserfigisarpai, imaluunniit Taiwaninunatat nammineersinnaasutut eqqartorlugu. Nunat kililit aamma Kinamiut sunniiniutaannik kilitsissiallu sulinerinik eqqugaasinnaapput Kinap Taiwaninunaminut ilanngunnissaanut kimigiisernerata akerleriilersinnaanermullu piareersaataasa ilaattut.

Kinap eqqissisimasumik ataatsimooqqilerneq piumaneruaa. Kinap sakkutooqarnikkut sungiusarneri piareersarnerilu ataatsimut isigalugit isumaqarput Taiwanimut sorsuleratarsinnaanera ilimanarsiartortoq. Kinap sakkutooqarnikkut Taiwanimik tiguaanissaminut piareersimaffissaatut Xi Jinpingip 2027 piffissaliuppaa, ilimanarporlu tamanna sakkutooqarnikkut anguneqassasoq. 2027-mi anguniagaq pilersinneqarpoq sakkutooqarnikkut nutarterinerit siuarsarumalugit, tamannali isumaqanngilaq Kinap sorsulernissani aalajangereersimagaa.

Kinap maannakkorpiq Taiwanip isaaffiginissaanut sakkut pisariaqartut pigigai ilimananngilaq. Kinalli aalajangissagaluarpagu Taiwan isaaffiginarlugu, assersuutigalugu Taiwanip namminersortunngorluni nalunaarutigissagaluarpagu, tassuuguinnaq pisinnaavoq.

Kina sakkutooqarnikkut allatut saassusinissamik toqqaa-sinnaavoq assersuutigalugu Taiwanit tunniutiinnartinniarlugu sapusineq imaluunniit qaartiterineq atorsinnaavai. Aammattaarli Kinap toqqarsinnaavaa sakkutooqarnikkut annikinnernik iliuuseqarniarluni assersuutigalugu Taiwanip qeqertaasa Kinap sineriaanut qanittut ilaat tiguarlugit. Kina taamaaliorsinnaavoq Taiwanip naalagaaffimmi ilaa illersor-sinnaanngikkaa takutinniarlugu, aammali USA-p sakkutooqarnikkut ilanngusinnaanerata killinga nikisinniarlugu.



Kinap eqqissisimasumik ataatsimooqqilerneq piumaneruaa. Kinap sakkutooqarnikkut sungiusarneri piareersarnerilu ataatsimut isigalugit isumaqarput Taiwanimut sorsuleratarsinnaanera ilimanarsiartortoq.

## KINAP TAIWANIMI SAKKUTOOQARNIKKUT SULINIUTINI ANNERTUSIVAI

Kinap Taiwanimut sakkutooqarnikkut sakkulersornerit annikinne-  
rit atorussukkunigit Taiwanimiut qeqertai ataaseq arlallilluunniit  
nunavimmut qanittut imaaliinnarluni tigusarisinnaavai. Kinmen  
aamma Matsu Taiwanip qeqertaasa annersarai, Kinamiut nu-  
naannut qanittut.

KINA

KINMEN-  
QEQERTAT

MATSU-  
QEQERTAT

TAIWANIP IKERASAA

TAIWANI

KINAP IMARTAATA  
KANGIA

RYUKYU-  
QEQERTAT  
(JAPANI)

↑  
A 0 50 100 200 Km


Kinamiut Taiwanimik saassussisinnaaneranut piareersaatit  
siunertallu kisimik apeqqutaangillat, kisiannili Taiwanip  
USA-p iligisaasalu iliuusereriigaat aamma apeqqutaasin-  
naapput. USA ililul kalleriippata sorsuttunut ilanngukkusun-  
natik imaluunnit pillaatitsitsinngippata Kinap saassussera-  
tarsinnaanera annertusissaaq. Nunani killerni avissaa-  
tuuttoqartillugu, ilaatigut niuernikkut politikkimi, ajornaku-  
soorsinnaavoq Kinamut pillaatit isumaqatigiissutiginnissaat.  
Taiwanip namminersortuulluni nalunaarutigippagu, Kinami-  
ut saassussinissaat annertuumik aarlerinarsissaaq.

Taiwan sorsuussutigineqalissagaluarpas Danmarkip Euro-  
pallu sinnerata illersornissakkut tunngavigisaat allanngor-  
luinnassapput. Tassunga peqqutaasut ilaatigut USA-p isu-  
mannaallisaanikkut Europamut tapersiisinnaanera annikil-  
lissamat, pingaartumik USA-p Taiwan illersorniarlugu sor-  
sunnermut ilanngutissappat.

Taiwan pillugu sakkutooqarnikkut akkerliissuteqarnermi  
USA akulerusimatillugu qularnanngilluinnarpoq nunarsuar-  
mi aningaasaqarnikkut ajornakusoortoqalissasoq. Tama-  
tumunnga pissutaavoq Kinap nunarsuarmi aningaasaqar-  
nikkut pingaaruteqarlunnaannera kiisalu Taiwanip qarasa-  
sianut chipsinik sanaartornikkut pingaaruteqarlunnaannera.  
Chipsit tamakku qarasaariaqarfinni eqqarsaatersuutissa-  
nik paasiniaanermi aamma Nunani killerni sakkutooqarnik-  
kut atortunut atorpeqartarput.

## KINAP IMARTAATA KUJASISSUANI IKKARLUNNI ASSORTUUSSUTIGINEQAQISUNI KINA SAKKUTOO-QARFINNIK SANAARTORPOQ

Kinap Imartaata kujasissuani Kina sakkutooqarnikkut angusinnaasaminik annertusaarusuppoq. Assimi takutinneqarput nunat Kinap imartaata kujasissuata eqqaaniittut aningaasaqarnikkut iluanaaruteqarfiusinnaasut (EEZ). Kinap sakkutooqarfii annerit sisamat.



### **Kina nutarterivoq sakkutooqarnikkullu alliliilluni**

Kina ukiut tuusintilikkaat nikinneranniit maannamut sakkutooqarnikkut nutarteralunilu annertuumik alliliisimavoq. Asiame pissaaneqarnerpaajulluni inissinnissamut nunarsuarmilu naalagaaffissuannngorumalluni aaliagiussani piviusunngortikkumallugu. Tamatuma saniatigut Kina aamma USA-mut unammillersinnaanngortissavaa Taiwanillu sorsuutiginerani ajugaatillugu. Aamma Kinap sakkutooqarnikkut pissaaneqarnera nunat allat, pingaartumik USA-p, ilanngutinnginnissaannut aarlerisaarutaassaaq.

Kinap illersornissamut aningaasaliissutai pisortatigoortut nunarsuarmi annerpaat tulleraat, taamaallaat USA-mit qaangersistaneqarlutik. Qularnanngitsumik illersornissamut aningaasaliissutaat suli annertunerujuupput, aningaasaliissutit allamut tunngasut sakkutooqarnikkut atortunut ator-neqartarmata. Amerikarmiut illersornissamut aningaasaliissutaasa pingasorarterutigiinnaraluaaraat ukiut tamaasa USA-mi sanaartukkanit umiarsuit sorsuutit pingasoriaataat sanasarpaat, timmisartullu sorsuutit nutaajunerpaat amerlanerit sanasarlugit. Kinamut sakkutooqarnikkut atortunik sananeq naliginnaasumik USA-minngaanniit akikinneruvoq.

Ukiut tusintilikkaat nikinneranniit raketit igeriuttakkat, umiarsuit sorsuutit timmisartoqarnermullu atortut pigisaat annertusisimapput. Massakkut Kina nunarsuarmi amerlanerpaanik umiarsuarnik sorsuuteqarpoq umiarsuit ikiuutit ilanngunnagit. Kina sorsunnissamut pingaartumik umiarsuarnik sorsuutit raketisillu igeriuttakkanik piareersarpoq, Manerassuup kitaatungaani immakkut silaannakkullu naalagaaniunnermi USA-mut ilinullu sorsunnermi akiuussinnaajumalluni. USA-p Taiwanimut illersuinissaanut qunulersikkumallugu taamaaliorpoq imaluunnit amerikarmiut sorsuutaat takkutinngitsoortikkumallugit.

Manerassuup kitaatungaani Kina sakkutooqarnikkut USA-tut pissaaneqartigereerpoq. Taiwanili pillugu sorsunnermi Kina Taiwanimut USA-mullu akiuussinnaanngeratarsinnaavoq, aammali USA-p ilinut tassaniittunut, pingaartumik Japanimut, nunarsuarmi sakkutooqarnikkut pissaaneqarnerit ilaannut.

Kinap umiarsuatai sorsuutit timmisartornikkullu sakkui suli amerliartorput, sakkui nalinnaasumik Taiwanip, USA-p Japanillu sakkui nutaajunerupput. Sakkutooqarnikkut Kinatut sukkatigisumik ineriartortitsinissaq USA-mut ajornakusuaasaaq, ilaatigut USA-p ilisalu sakkui

ilaat qanganisaanerit ukiuni aggersuni atorunnaartussa-  
aneri pissutigalugit. Taamaattumik qularnanngilaq ukiut qulit tullisa ingerlanerini Kinamut iluaqutaasumik ineriartussa soq.

Kinap umiarsuit sorsuutit ataasiakkaat suliaqartillugit nas-siuttarpari assersuutigalugu Adenbugtip imartaani piiaasunut akiuutisillugit kiisalu Kinap nunataaniit ungasissumut sungiusariartittarlugit. Assersuutigalugu 2025-mi februarimi aprilimilu Kinap umiarsuit sorsuutit Australiap New Zealandillu qanittuani sungiusarput. Kinap sakkutooqarnikkut sakkui amerliartortillugit, sakkutooqarnikkut nunarsuarmi annertunerusumik Kina inissisimalissaaq.

### **Kinap kujataata imartaani Kina makitasaarpoq**

Kinap kujataata imartaata annersaa, ti-stregs-linje-mik taasagaat, Kinap naalagaaffigerusuppaa. Piumasaqaat taamaattoq nunat tamalaat akornanni imartat killiginik akue-risanut akersuuppoq ilaatigullu Filipinerit Vietnamillu pi-umasagaataannut akulionnerulluni. Kina sakkutooqarnikkut piffimmi angusinnaasani naalagaaffimmilu killinganik piumasagaatini annertusarlugit imartami ikkarlunni sakkunik sanaartorpoq.

Kinap Filipinerit piffinni isumaqatigiinngissutaasuni angalanissaannik isumalluutit piiaanissamik imaluunniit sakkutooqarnikkut atortunik sanaartornissaannik akornuserniarlugit peqqarniitsuliorfigaai. Tamaani Kinamiut umiarsuaasa Filipinerit umiarsuaat piaarlutik aportarpaat imermik tissaluussuarnik tissaluffigisarlugit qassutinilu umiartorffisanik assersuisarlutik.

Kinap kujataata imartaani Kinap pissusilersorneri aklerliilernerimik pilersitsillutik ajutoornernik paasinerluinernillu kinguneqarsinnaapput. Sakkut atorlugit aklerliilerneq taamaattoq nunarsuarmi aningaasaqarnikkut annertuumik kinguneqarsinnaavoq. Tassunga pissutaavoq nunarsuarmi nueqatigiinnerit annersaat immakkoortariaqartarmata.

### **Kina Nunat killit pissaanerannik annikilliniarpoq USA-mullu pissaaneqarnerorusulluni**

Kina Asiame pissaaneqarnerpaajorusuppoq, nunarsuarmilu siuttuunissani kissaatigaa. Anguniakkamut tassunga Kinap nammineq kisimiinnginnini atorluarpaa aammami Ruslandip USA-lu politikikkut, aningaasaqarnikkut sakkutooqarnikkullu nunat allat pissaaneqarffigineruniarpaat. Kinap pisoq tamanna annertunerusunngortillugu sakkortusaanarpaa.

Kinap Nunat killiit nunarsuarmut politikikkut pissaaneqarnerat annikillisarluarlu suliniuteqarpoq USA-mullu pissaaneqarnikkut annerulerusulluni sulivoq. Suliniuteqarnerit taakku ilaatigut Kinap nunarsuarmi peqatigiinnik soorlu Naalagaaffiit Peqatigiinni sunniinniarnersigut pisarput. Kinap ingerlaavartumik isummani peqatigiit politikkiinut oqariartaasiinullu tulluarsarlugit ilanngunniartarpai, ilaatigut oqariartuuteqartuutarluni inuit pisinnaatitaaffii nunarsuarmut tamarmut atuuttuunngitsut, nunamilli nunamut assigiinngitsuusut. Kinap nunarsuarmi peqatigiit nammineq siuttuusutut inissikkumalluni sunnearnarusuppai, assersuutugalugu Shanghai Cooperation Organisationimi aamma BRICS-mi, Brasiliap, Ruslandip, Indiap Afrikallu kujalluip akornanni suliniaqatigiiffiusumi kiisalu nunani Nunanut killernut ilaanngitsuni.

Kinap USA-mut ajugaaniarnermini Ruslandi suli suleqatitut pingaarnertut isigaa. Taamaattumik Kinap suleqatigiinner-tik annertusartuarpaa, Nunanit killernit assuarineqartaraluni Ruslandimullu pillaa-tinik unioqqutitsinermikkut Kinamiut suliffeqarfii pillaatissaraluartut. Nunat taakku marluk niueqatigiinnerat Ruslandip Ukrainimi sakkutuulersulernerata kingorna annertusingaatsiarsimavoq.

Kinap aningaasaqarnikkut patajaannerusumik inissisimannissani anguniarlugu nunanullu killernut nukittunerusumik inissisimaniarluni, Nunanut killernut atasuunngitsunut, Nunanut Asiame, Afrikame, Latinamerikame Oceaniamilu suleqateqarnini niueqateqarninilu ukkatiginerulerpai. Tamatumma Kinap Nunanut killernut taarsullugit allanik suleqateqarnissaa qularnaassavaa. 2024-mi Kinap nunanit killerneersuunngitsunik niueqateqarnera avammut tunisaasa ni-oqqutissallu eqqussugaasa affaat sinnerlugit qaffassimavoq. Qaffannerinullu pissutaasut ilagaat niueqatigiinnerit ingerlasarnerat allanngorsimammat, tassami Kinap Nunanut killernut tunisai Nunat killerneersuunngitsut aqqu-tigalugit ingerlanneqartarmata.

#### **Kina aningaasaqarnikkut teknologii-milu sanaartornikkut kiffaanngissuseqarniarpoq**

Kina akkerliissuteqaratarsinnaanermi pingartumik USA-mut piareersarpoq. Taamaattumik ukiut kingulliit sillimaniarnermut politikkia aningaasaqarnikkut aalajagiisarneranun sunniuteqarsimavoq. Kinap Nunanit killernit isumalluuteqarnini ilaatigut nammineq teknologii-kkut ineriartortitsinikkut aningaasaliisarlu millisisarniarsaraa. Kina anner-tuumik siumukaateqaraluartoq, Kinamiut suliffeqarfiisa ilisimatusarnikkullu misissuisarfiisa Nunat killiit suleqatitut pisariaqartippaat.

Tamanna ilutigalugu Kinap immi-nik pisariaqartitsineq an-nertusarpaa, ilaatigut aatsitassat qaqutigootut, orsussanut teknologii, solcellillu aqqu-tigalugit. Kina taamaaliorpoq nunanut allanut sunniuteqarnini allisarluarlu, kisiannili aamma nunat allat Kinamut pillaatitsitsinissaat niueqatigiinneratalu kipititsinnissaat ajornarnerulersinniarlugit. Kinamiut teknologiiannik pisariaqartitsinerup Nunat killiit sakkutooqarnikkut ineriartortitsinerat ajornakusoortilersissinnaavaa.

Teknologi Kinap aningaasaqarnikkut ineriartorneranut pingaarteqarpoq ineriartortitsinikkullu pilersaarutini pingaarnertut sallinngortinneqarsimalluni. Kinap teknologii-t pingaartullit ingerlannarusuppai, soorlu kvanteteknologi, qarasaasiaq atorlugu eqqarsaatersuutini paasiniaaneq, bioteknologi. Tamatumma Kina sakkutooqarnikkut iluaquserlugulu Nunat killiit aningaasaqarnikkut unammillissavai.

Kinap teknologii-kkut pingaarteqartutut salliutitai Nunanut killernut akkerliissuteqaleriataassagaluarpai sunniuteqartussapput. Tamakku tassaapput silassorissuusiaq, ilaatigut dronit atorlugit sorsunnerni ator-neqarsinnaasoq, kvanteteknologi, paasiumaallisakkannut periutsinut ul-lumikkut ator-neqartunut iserniarnissamut ator-neqarsinnaasoq.

Kinap pitsaanerpaatut inissinniarlu isumalluutit anner-tut teknologii-mi salliutitamini atortarpai. Tamanna naalak-kersuinikkut siunertaani ersip-poq, teknologii-kkut ilisimasi-nillu aqqissuussamik Nunanit killernit nuutsitsisarnermik ingerlatsinikkut. Nuutsitsisar-neq annertooujussuarmik pisarpoq, aqqu-tit inatsisit malullugit aammali malinnagit atorlugit. Kina teknologii-mut tunngasunut arlalinnut siut-tuugaluarluni, teknologii-nik nunanit allanit Danmarkit ittu-nit isertortukku-t paasiniaallunilu tillinniartuatarpoq.

Kinap ilisimasani nuutsitsinermik ingerlatsinera, danskit ilisimatusarnikkut, ineriartortitsinikkut teknologii-kkullu ingerlatsinerannut akornusiisinnasut annersaraat.

#### **Kina kvanteteknologiini arlalinni siuarsimaqaaq**

Kvanteteknologiit tassaapput teknologii-t nutaaliaalluinnar-tut kvantefysikkimi periaatsit iluaqtigalugit nutarsakkat. Teknologiit taamakku suli ineriartorput. Siunissamili isumannaatsumik attaveqatigiinnermut, uuttuutitut eqqorlu-artunut, naatsorsuinissanullu immikkuullarissunut ator-neqarsinnaanerannut aammaasippat, ileqqut malillugit qarasaasiat pisinnaanerannik qaangiilluinnartumik.

## KINAP TEKNOLOGINUT NUNANIT KILLERNEER-SUNUT ISUMALLUUTIT ANNERTUUT ATORPAI

Kinap peqatigiiffiit inuillu ataasiakkaat teknologinik aallertitsinis-saminut piareersaanermut aallernermullu atortarpei.

**1** Kinami iligiit suleqatigiiffiisa, naalagaaf-fimmi peqatigiiffiit, ilisimatusarfiit suliffe-qarfiillu ilisimatusarnikkut teknologimilu sulinermikkut teknologinik aallernerit ineriartortitsinerillu **pisariaqartitat isumagisarpaat**.

**2** **Tamakku nunani allani suliniutillit** teknologinik ilisimasanillu Kinamut nuutsitsinissaat **aallartisarittarpaat**. Tamakku tassaasinnaapput Kinamiut peqatigiiffii, qarasaasianik internetikkut peqquserluttartoqatigiit, Kinamiunut nunassinnikunut peqatigiiffiit, aningaasaliisartut kiisalu isertortukkut paasinaasartut.

**3** Suliniutillit **immami isumalluutit** ilisimatusarnikkut teknologimilu suljalit **nalunaar-sortarpaat**, immikkut ilisimasalinnik soqutiginnilersitsiniarlutik isertortukkullu sulisussarsiorlutik, suliffeqarfinnut aningaasaliiniarlutik imaluunniit suliffe-qarfiit IT-kkut aqqqissuussaani kanngunarsarniarlugit.

**4** Suliniutillit immikkut ilisimasallit peqatigiinniallu **Kinami aallartitsisinriarlugit** ikiortarpaat naalagaaffimmi poqersunut ilinniariit, ilisimatusarnikkut isumaqatigiissutit, Kinamiullu peqatigiiffiini suleqatigiinni atqutugalugit. Qarasaasianik internetikkut pinerlunniatqatigiit isertortumillu paasinaasartut nunani killerni suliffeqarfinnit ilisimatusarfinnillu ilisimasanik teknologinillu tillinniartarput.

## KINAP SAKKUTOOQARNIKKUT PIAREERSARNERA KINAMIUT INNUTTAASUT ILISIMATUSARFIISA TAPERSERSORPAAT

Kinap sakkutooqarfiata teknologinik sakkutooqarnikkut atortussanik innuttaasut ilisimatusarfii suleqatigai. Tamanna pivoq Kinap sakkutooqarfikinnuttaasullu ataatsimoortilernissaanut pilersaarusiornermi ilaanut atatillugu. Tamanna isumaqarpoq, Kinami ilisimatusarnikkut suleqatigiinnerit ilaatigut sakkutooqarnikkut atortunik ineriartortitsinerit atorneqartut.

Kinap ilisimatusarfiisa ilarpassui Kinap sakkutooqarfianik suleqateqarnissaminut pisussaaffeqalersimapput. Tassani pineqarput Kinamiut ilisimatusarnikkut ilisimatusarfii siuttut soorlu Beijing Universitet, Tsinghua Universitet aamma Chinese Academy of Sciences. Tamakku innuttaasullu ilisimatusarfii sakkutooqarnikkut ilisimatusaarfiit suleqatigaat, sammisani assigiinngitsuni soorlu issittumi ilisimatusarneq, qarasaasiat atorlugit eqqarsaatersuutissanik paasinaanerit, kvateteknologi aamma umiarsualiernerit.

Kvanteteknologiit inuiaqatigiinnit sakkutooqarnikkullu ator-neqarsinnaapput. Teknologiit taakku nunat taakkuninnga atuisut aningaasaqarnikkut sakkutooqarnikkullu iluaqutis-saannik annertuunik peqalersissavaat.


Ullumikkut kvanteteknologiimut tunngasut siulliuniuffigi-saapput, Kina USA-mut Nunanullu killerniittunut allanut unammilliisuulluni annerpaavoq. Kina kvanteteknologiimik ineriartortitsinermik annertuumik suliniuteqarpoq ullumik-kullu ilaatigut kvanteteknologii atorlugu attaveqatigiinnik-kut siuttuulluni. Nunat killiit Kinamik kvanteteknologii pil-lugu suleqateqarnerminni sillimaniarnikkut unammilliutitut sissuiernerulersimapput, nunallu arlallit qanoq iliornissa-mut piareersaateqalersimallutik. Ilaatigut Kinap ilisimatu-sarnikkut suleqatiginera, atortunik pinngitsoorsinnaangi-sanik pisiortornerni, Nunanilu killerni teknikkikkut suleffe-qarfinnut aningaasaliisinnaanera killersimavaat.

Kvanteteknologiip sakkutooqarnikkut teknologiit piusut pit-sanngorsarsinnaavai, ilaatigut aqqartartunik angalanermilu sumiissusersiniarnermi iluaqutigalugit, GPS-llu maligaasaa-nik malugineqarsinnaajunnaartitanik malussarsinnaaner-mut. Kvanteteknologii aamma oqaloqatigiinnermi tusar-naarneqarsinnaanermik illersuisarpoq isumannaatsumillu oqaloqatigiinnermik pilersitsisinaalluni. Teknologiit ta-makku atorluarsinnaanngorlugit ineriartortikkaanni, sak-kutooqarnermi pilersaarusiornermut tapersiisinaapput, akeraq taamaattunik peqanngippat.

Kina kvantecomputerit ineriartortillugit suliniuteqarpoq massakkut piusunut paasiuminaallisakkanut isersinnaan-ngorlugit. Tamatuma Kina paasisutissanik isertuussanik atorsinnaanngortissinnaavaa oqaloqatigiinnernillu tusar-naartillugu. Tamakku tassaasinaapput pisortat oqaloqati-giinneri imaluunniit paasisutissat allat isertortariallit. Ili-manarpoq Kina massakkut nunanit allanit paasisutissanik paasiuminaallisakkanik katersisoq kingusinnerusukkut paasiuminaallisarneri peerniarlugit.

Unammilligassaq alla tassaavoq, Kinap digitalikkut atsior-nerit peqquserluttumik atornerlussinnaammagit. Taamaa-liornikkut isumannaatsumik aqqissuussat iserfigisinnaas-savai paasisutissallu isertuussat takusinnaanngorlugit. Kina aamma attaveqarsinnaavoq danskinut oqartussaneer-suusaarluni. Piviusuussagaluarpas attaveqatigiinneq ilumo-ortuunersoq imaluunniit salluliutaanersoq takuneqarsin-naanngilaq. Qularnanngilaq kvatecomputerit paasiuminaar-sakkanut isersinnaasut piulersorineqalerpata nunarsuarmi digitalimik attaveqatigiinneq nalorninarsissasoq.


## ISUMANNANNGITSUMIK ATTAVEQATIGIINNERIT KVANTETEKNOLOGIIMIK ATUINERMIT ISUMANNARUNNAARTINNIARNEQARPAT



A B-mut nalunaarniarpoq. A-p nalunngilaa B-p kisimi nalunaarut atuarsinnaagaa, aamma B-p nalunngilaa A kisimi nassiusisinnasooq. Marluullutik tutsuignar-tippaat attaveqatigiinneq namminneq kisimik pigalugu piviusuorsorlu.


Naalagaaffiup allap A-p B-llu attaveqatigiinnerat paasisallugu soqutigaa. Naalagaaffiup allap nalunaarutit katersorpai, atuarsinnaanagilli, paasi-naallisarsimammata. Taamaattumik naalaga-affiup allap nalunaarutit toqqinnarpai.

1HF057SBA1EMEH9ABEEH  
16DNS2U9V0P12JD80VW2  
E1HAYEVW0PAKWNHU1292  
STMFHQ0P9K3HF057  
LEMEH9ABEDHEUWKW  
N0Gdu1292



Naalagaaffik alla kvantecom-puterimik pisinnaasalerujus-suarmik peqaleruni, taanna atorlugu A-p B-llu nalunaaru-taat atuarsinnaalissavai. Taava naalagaaffiup allap taakku aqqi atorlugit nalunaarusior-sinnaavoq eqqunngitsunik.

A-p B-llu paasigunikku naalagaaffik alla kvante-computeriuteqalersimasooq, nalunaarutit eqqortuunersut tatigunnaassavaat.



Ukiut tullii 10-niit 15-nut ingerlanerini ilimanarpoq Kina kvantecomputerimik paasiuminarsakkanut isersinnaasumik inerititaqarsimassasoq. Qaqugu atorsinnaalernissaa oqaatigiuminaassinnaavoq, teknologii assut paasiuminaammat suliallu qanoq siuarsimatiginera saqqummiuttariaqarani.

#### **Kina nammineq ineriartornini pitsanngorsarumallugu akkerliinnernilu akisinnaanerujumalluni isertortukktu alapernaarsuisarpoq sunniiniartarlunilu**

Kina teknologiiikkut ineriartortitsinerit siuarsarniarlugit Kinallu aningaasaqarnikkut politikkikkullu nakuussusia allisarlugit annertooujussuarmik qarasaasiakkut pinerluttumik paasiniaanissamat pilersaarusiaqarpoq. Kinap Nunani killerni politikkikkut, teknologiimi, illersornissamullu suliffeqarfinni pingaartumik qarasaasiakkut pinerluttumik paasiniaanerit ingerlappai. Kinap Nunani killerni teknologiimi paasissutissat siuarsakkat kiisalu attaveqatigiinnikkut ataqatigiinnerit qajannartut aallerfiginerinut kilitsissianik sulititsisarpoq.

Kinap nunanut allanut ministereqarfiit, illersornissamat naalakkersuinerimullu suliffeqarfiit kilitsissiat atorlugit paasiniaaffigisarpai, pilersaarusiornermi ineriartortinnernut iluaqutaasinnaasunik kiisalu akeqqat sakkutooqarnikkut atortui imaluunniit nunani allani naalagaafinnut attaveqaataannut paasissutissat piniarlugit. Tamanna isumaqarsinnaavoq assersuutigalugu Taiwani pillugu nunat assigiinngitsut isumaannik Kina paasisaqartooq.

Kinap isertortukktu paasiniaasartui, peqatigiiffiillu kommunist partiip ataaniittut nunani allani aamma Europami Danmarkimilu politikernik sunniiniarnermini atortarpai. Kinamiut isertortukktu paasiniaasartut politikkerit sunniuteqarluartut eqqaannut kilitsissianik inissiillutilluunniit pissarsiortarput, taakku pilersaarusiornernit pillugit isummersoqatigiinnerni malinnaasinnaangorlugit isumaqatigiissutinilu Kinamut kommunist partiimullu iluaqutaasussamat sunniiniartarlutik. Kiinamiut sunniiniarnerisa Nunat killiit ataatsimoorlutik Kinamut isummernissaat pinngitsoortinniartarpaat, Kinalu Nunanut killernut akkerliissuteqalissagaluarpat periaasissaanik ikiorserlugu.

Kina aamma isumalluunik annertuumik atuivoq Kinamiut nunani allani najugallit nakkutugalugit kommunist partiimik isornartorsiuinnginnissaat anguniarlugu imaluunniit Kinap soqutigisaanik akkerliersuinerimik uliniuteqannginnissaat anguniarlugu. ■

#### **KINAMIUT QARASAASIAQ ATORLUGU NITTARTAKKATIGUT PAASINIAANERAT**

2025-mi Kinamiut naalagaaffiata qarasaasiakkut pinerluttumik paasiniaasartui, APT31-mik taaneqartartut, Tjekkiap nunanut allanut ministereqarfianut qarasaasiakkut pinerluttumik isersimasut Tjekkiap naalakkersuisui tamanut nalunaaruteqarput.

Qarasaasiakkut pinerluttumik paasiniaasartuqatigiit, Kinamiut isertortumik paasiniaasartuinut MSS-mut sullissisut, 2022-miilli isersinnaasimapput, piffissallu taassuma iluani Tjekkiamit nunanilu allanit Tjekkiap suleqataannit politikkikkut paasissutissanik aallersinnaasimallutik.

Kinamut naalagaaffiit ataqatigiinneri pillugit ilisimasat iluaqutaasinnaapput Kinamiut naalagaaffimmit aallartitai isumaqatigiinnarni Tjekkiamillu taakkulu suleqataanik akkerliissuteqarsinnaanermi paasissutissanik ilisimanneriissammata.

#### **KINAMUT KILITSISSIAAT**

2024-mi Jian Gou Tysklandimi tigusaaavoq. Taanna Maximilian Krahimut partiimut Alternative für Deutschlandimut (AfD), Europa-Parlamentimullu ilaasortamut ikiortaavoq.

Jian Guo 2025-mi septemperimi ukiut sisamat qaammatillu qulingiluat parnaarussaanissaminut eqqartuunneqarpoq, ukiut sisamat qaangerlugit Eurapa-Parlamentimi isumaqatigiinnarni paasissutissanik isertuussanik Kinamiut isertortukktu paasiniaasartuinut aammalu Tysklandimi Kinamiunut akkerliusunut isertortukktu alapernaarsuisimasut pillugit ingerlateqqiarsimanerminut. Jian Guo-mut eqqartuussinerimut atatillugu arnaq Kinamioq Jian Guo-mut Nunani killerni sorsuutit timmisartut, sakkutuulersorneq dronillu pillugit paasissutissanik tunniussuisimasutut ukiumik ataatsimik qaammatinillu qulingiluani parnaarussaanermik pineqaatissinngikkallarneqarluni eqqartuussaavoq.

# PEQQARNIISAARINEQ, TUTSUIGINANNGISSUSEQ NUTSERNERILLU

KANGIA QITERLERMI AFRIKAMILU AKERLERIINNGIN-  
NERIT ALLANNGORARTUARNERILLU PEQQARNIISAAR-  
NIARNERIT ASSIGIINNGISITAARTUMILLU NUNASINI-  
ARTARNERIT ANNERTUSISSAVAAT

Europami peqqarniisaartoqarsinnaanera suli ilungersunartorsiortitsivoq. Tamatumunnga pisuusut ilagaat Kangia Qiterlermi ataavartumik allanngorartoqartuarmat akkerliittoqartuarmallu. Ukiut kingulliit Europami islamisiortut peqqarniissaarniat saassusisarneri amerleri-arsimapput, pingaartumik peqqarniisaarniaqatigiit Gazami akkerliinnerit islamisiortut sakutuuinut saassussinissaanik isumassarsiorfigittarmatikkitt. Tamanna ilutigalugu Syriami allanngorartoqartuarnerata Islamisk Stat pissaaneqarnerutilerpaa, Europamullu peqqarniisaarsinnaanera annertusillugu. Yemenimi iraniamiut tapersersugaat Houthi-mik ingerlatsisut, Det Røde Havimi umiarsuakkut angalasunut suli qunusaaripput. Israelimiut akkerliinnerannut atatillugu Iranip israelimiunut juutinullu Israelimi najugaqanngitsunut peqqarniisaarineq atorpaat.



2025-mi februarimi savimmik saassussisoqarnerata kingorna franskit pinerluttoqarsimaneranik paasiniaasartut paasiniaasut qularnanngilluinnartumik islamisiortut sakkutuunit peqqarniisaarisumit. Sebastien Bozon/AFP/Ritzau Scanpix

■ Ukiut kingulliit ingerlanerini islamisiortut sakkutuunit Europami peqqarniisaarisoqarsinnaanerit amerlisimapput sulilu ilungersunartorsiutitsissallutik. Kangia qiterlermi akerleriinnerit allanngorartoqartuarnatalu qunutitsinerup pissusia sunniiffigissavaat. Kangia qiterlermi naalagaaffiit sanngiitsut allanngorartoqartuattullu sakkutuulersornikkut peqatigiilernissaannik periarfissippaat piffinnilu nunanut killernut attuumassuteqartunut eqquisinnaangortillugit.

**Islamisk Stati Europamut qunusaarluni saassussinissamut akuttunngitsumik kaammattuisarpoq**  
Ukiut kingulliit ingerlanerini islamisiortut sakkutuunit peqqarniisaarniarluni saassussinerit peqqarniisaarniarlunilu saassussinissamut pilersaarutit pinngitsoortinneqartut amerlisimapput, 2025-milu sulil amerlallutik. Ilimanarpoq aamma 2026-mi sulil amerlissasut. 2025-p ingerlanerani pingaartumik Tysklandimi, Østrigimi Frankrigimilu peqqarniisaarnikkut saassussisoqarsimavoq pilersaaruteqarfiusimallunilu.

## EUROPAMI ISLAMISIORTUT SAKKUTUUINIT PEQQARNIISAARLUTIK SAASSUSSINERIT ANNERTUSEQISSIMAPPUT.



Ukiut marlussuit ingerlanerini Europap kitaani islamisiortut sakkutuuisa saassussinerisa saassusseriaraluarnerisalu amerlissusii  
Najoqqutarisat: Nesser, P. (2024). Introducing the Jihadi Plots in Europe

Dataset (JPED). Journal of Peace Research, 61(2)). 2024-mi 2025-milu kisitsit FE-p nammineq pigai, piffissarluk oktoberi 2025 ilanngullugu atuullutik. FE Nesserip nalunaarsuinerit periaasia atorpa.

Amerlanertigut islamisiortut sakkutuui kisimiillutik imaluunniit peqatigiit arlaqanngitsut saassussisarput saassuserialuarterlutillu. Pinerluttuliortut amerlanertigut islamisiortut sakkutuunit propadanganit iliuutissanik isumassarsisarput. Aamma ilaat islamisiortut sakkutooqatigii-vinut pioreersunut siornatigut attaveqarsimasarput, pingaartumik Islamisk Statimut. 2024-mi pingaartumik ISKP, Islamisk Statip ataani Afghanistanimi inissisimasoq, tapersersuisunut Europamiittunut saassunissaannut tapersersuerialuarpoq. Taakkuli 2025-mi sanngiillisimaput Europamullu aarlerinartorsioritsinerat millisimalluni.

Islamisiortut sakkutuuisa amerlanertigut inuit amerlasuut ataatsimoorfiinut saassussiniartarput soorlu niuffaffinni, festivalini qimuttuitsullu unittarfiini. Ilaatigut piffiit isumaqartitat saassunniartarpaat assersuutigalugu synagogit, oqaluffiit, upperisaqarnikkut eqqaassutissat aallarti-taqarfiillu.

Islamisiortut sakkutuui Europamut saassussisartut amerlasuut Kangiani Qiterlermi akerleriinnerit saassussinissamut kajumissuseqalersitarpaat. Al-Qaidap Islamisk Statillu akuttunngitsumik muslimit nunarsuarmi tamarmiittut kajumissaartarpei Gazami toqutsinerit akiniaaffigeqqullugit. Akerleriinnerit islamisiortunut sakkutuunut saassussinisamut suli isumassarsititsisuusassapput.

Europami saassussinerit tamarmik assigiissutigaa, atortut pisariunngitsut atorlugit saassussinerummata, pingaartumik saviit ilaatigullu biilit atorlugit. Saassussinermi eqqugaasut amerlassusaat aallaasilersorlutik qaartartumeeralutillu saassussinernut naleqqiullugit aamma appasipput. Islamisk Stati isumaqatissarsiornermini akuttunngitsumik islamisiortut sakkutuui saassussinermi atortunik pisariunngitsunik atornissaannut innersuisarpoq, ilaatigut Europamiut isumannaallisaasuinut saassussinernik pisariunngitsunik malussarnissaq pinngitsoortsitsinissarlu ajornarnerummat. Tamatuma saniatigut islamisiortut sakkutuuinut europami nunani amerlanerniittunut aallaasinik pissarsinissaq imaluunniit qaartartuliornissaq ajornarneruvoq.

Ukiut kingulliit saassussinerit amerlanerulernerinut nasuiaatit ilagaat saassussinerit pisariunngitsuusarmata sukkasuumik piareersarneqarsinnaasut. Tamanna ilutigalugu islamisortut sakkutuuinut allanut taamatut saassussinisamut isumassarsititsikkajupput.

## DANMARKIMUT PEQQAR-NIISAARTOQARSINNAANERANIK NALILIINEQ

Peqqarniisaarnermik misissuisarfimmi (CTA-p) naliliinerani kingullermi Danmarkimut peqqarniisaartoqarsinnaanerani naliliinermi 2025-meersumi CTA allappoq Danmarkip peqqarniisaarfingineqarsinnaanerminut inissisimanera ILUNGERSUNARPOQ-miittoq.

Ukiuni kingullerni sillimaniarnikkut politikki ajornerulersimavoq. Ilaatigut naalagaaffiit aallartitaasa ilasa periaatsit peqqarniisaarnermut sanilliunneqarsinnaasut atortarpaat, tamannalu ilaannakusiorsinnaasumik katitigaasumillu aarlerinartorsiornermik takutitsivoq.

Kangiani Qiterlermi akerleriisuteqarnerit iligiit isumaqatissarsiorsinnaanerannut pingaaruteqarpoq, ukiunilu aggersuni tamanna peqqarniisaartoqarsinnaaneranut suliniutinut pingaaruteqartumik ingerlatsisuussalluni. Peqqarniisaarnikkut saassussisinnaanerit islamisiortut sakkutuunit, talerperliit ingasaassinianit, saamerliit ingasaassinianit, naalagaaffinnullu akerliullutik ingasaassinianit ingerlanneqartut suli Danmarkimut peqqarniisaartoqarsinnaaneranut ilima-narnersaapput. Danmarkip islamisiortut sakkutuunit peqqarniisaarfingineqarsinnaanera suli ILUNGERSUNARPOQ, ilima-narnersaavorlu islamisiortut sakkutuunit peqqarniisaarnikkut saassussinerit saassussinerussasut, saassussisunit kisimiittunit imaluunniit eqimattamit arlaqanngitsunik inuttalimmit.

CTA nalillivoq, talerperliit ingasaassinianit peqqarniisaartoqarsinnaanera suli NALIGINNAASOQ-mi inissisimasoq.

**Kangia Qiterlarmi eqqissiviilliornerit peqqarniisaar-niartartoqatigiit pissaaneqarnerulersippaat**

Kangiani Qiterlarmi nunani arlallinni naalakkersuisoqarput sanngiitsunik, pissaaneqarniuttoqarpoq, ilaatigullu sakkulorsorluni aklerliittoqarluni. Allannngortoqartuarnerrata islamisiortut sakkutooqatigiivisa nunat akornanni siaruar-nissaannut periarfissippai. Tamanna pivoq pingaartumik Syriami Asad-ip aqutsinerata uppitinneqarnerata kingorna illersornissakkut sulii unerisimanngiffiutsumi.

Ukiut amerlasuut sorsussimanerup, aningaasaqarnikkut ajornartorsiorimanerup Syriallu innuttaasa akornnani aklerliissuteqarsimanerit kinguneraat nunap ataatsimut ataqatigiillernissaa ajornarsilluinnarsimammat. Tamatuma saniatigut syriamiut illersuisoqatigiivisa angutaasernerisa naalakkersusunut tatiginneq annikillissimmavaat.

Pingartumik Syriap avaannata kangiani ineriartorneq nunap patajaassusianut pingaaruteqassaaq. Naalakkersuisut nutaat piumasaqaatigaat, kurderit namminersorlutik aqut-sisut akiuukkunnaassasut, piffimmilu aqutsinertik iperas-sagaat. 2025-p ingerlanerani siunissaq pillugu isumaqati-giinniutit unittorsimanerisa kingunerannik aklerliissut marluk akornanni aporaateriataarnissaq annertusisima-voq. Tassani USA-p aklerliit marluk akornanni isumaqati-giissititsiniarnera pingaaruteqassaaq.

Ilimanarpoq Syriami Islamisk Statip kurderit namminersor-tut syriamiullu naalakkersuisuisa aklerliinnerat atorluarni-arsinnaagaa pissaaneqarneruleqqinnissaminut. Taanna 2025-mi qanoq iliornissaminut kiffaanngissuseqarnerusi-mavoq. Syriami naalakkersuisut nikinneri ilaatigullu USA-mit, siornatigut tassunga saassusisaqattaarsimasumit tati-simaneqarnerata annikinnerulersimanera ilaatigut pissuta-aqataasimapput.

Islamisk Statip aamma allannngortoqartuarnera atorluar-niassavaa kurderit inissisimaffiini sakkutooqarfinni par-naarussivinnilu Islamisk Statip ilaasortai 10.000-iliit pallillu-git tigumigallarneqartut aniguisinniarlugit. Parnaarussivin-nit taakkunannga Islamisk Statimut ilaasortanik qimaasor-passuaqalissagaluarpas Europap peqqarniisaarfigineqar-sinnaanera annertusissaaq. Syriami sakkutooqarfiit iluan-ni avataanilu Islamisk Statimut ilaasortat amerlasuut Euro-pami nunanut attaveqaateqarput, tamakkulu qularnanngit-sumik sulii nunamut suminnngaanneerfimminnut peqqar-niisaarnikkut saassussinissamut imaluunniit tapersersui-nissamut soqutigisaqassapput. Tamatumunnga aamma ilaapput arnat, sakkutooqarfirmi parnaarussat amerlaner-saat. Siusinnerusumut naleqqiullugu ilaatigut Europami ar-nat ingasaassiniartartut peqatigiivinut attaveqarnerupput.


Syriap naalakkersuisuisa sanngiitsut Islamisk Statillu pis-saaneqarnerisa annertusinerisa nuna nalorninartorsiutigi-lissavaat. Pissutsit taamaattut aklerliileriataarsinnaanerit annertusissavaat, tamatumalu kingunerisaanik ukiuni tulli-uttuni Syriamit Europamut qimarrannerpassuit nutaat pi-lersissallugit.



Ukiut kingulliit ingerlanerini islamisiortut sakkutuuninut Europami peqqarniisaarisoqarsinnaanerit amerlisimapput sulilu ilungersunartorsiutitsissallutik. Kangia qiterlarmi aklerliinnerit allannngortoqartuarnerratalu qunutitsinerup pissusia sunniiffigissavaat.


## SYRIAMI ASAD-AQUTSINERA PEERSITAAGALUARTOQ SULI AVISSAARTUUTTOQARPOQ

Syriap annersaa naalakkersuisuugallartut nakkutigisaasa avataaniippoq. Taamaannerata peqqarniisaarniaqatigiit, pingaartumik Islamisk Statip, nunami siaruarnissaanik periarfissippai, Europamullu annertuumik aarlerisaaru-taalertillugit.



## SAMMAD-DRONIT - HOUTHY-MIK INGERLATSISUT TAMANUT SAKKUI

Houthi-mik ingerlatsisut dronit sakkulersorlutik saassussinerminni amerlanerni atortarpaat. Dronit tamatigoortut ilagaat Sammad, Iranimiut ilusiliinerat aallaavigalugu sanaaq, Houthi-mik ingerlatsisut 2018-miit atuligaat. Sammadimik atuisut allat tassaapput Hizbollah Libanonimeersaq, Irakimilu Iranimiut sakkutuulersornerininut tapersersuisut. Sammad-dronit ajornaatsuumik sanaajupput, saniatigullu ilusaa nikerartinneqarsinnaalluni, sanajuminarluni, akikillunilu, ataaseq 50.000 USD miss. akeqarluni.




### Katersugassat ajornanngitsut ajornakusoornerusullu

- 1 Dronip timittaa suluilu glasfiberusut piffinni sanaajupput.
- 2 Dronip elektronikertaa, mekanikkia pussukinnartoq maluginiutaalu naliginnaasumik Iranimit imaluunniit suliffeqarfinnit namminersortunit ass. Kinamit, pissarsiarineqartarput.
- 3 Drone motorimik sarpilimmik ingerlaneqartarpoq, ass. aliikkutaralugu timmisartuaraliornermi atorneqartarut assigil. Motorit taamaattut internetikkut pisiarinqarsinnaapput 1-2000 USD akilerlugit.

Droni piffimmi ikkussuullugu sananeqartarpoq.

Sammad-droni 3 miiterit missaanni takissuseqarpoq suluilu 4-5-miiterit missaanniillutik. Qaartartumik 20 kg-mik ikkussiffiqeqarsinnaavoq. Taanna assersuutigalugu ineqarfeqatigiinnik annertuumik ajoqusiisinnaavoq. Houthi-mik ingerlatsisut taanna atorlugu Yemenimiit Israelimi eqqugassani saassussinnaavai. Sammad-dronit ataasiakkaat silaannakkut illersornissamut sakkunik ajornanngitsumik eqqorneqarsinnaapput. Akerlianilli Houthi-mik ingerlatsisut amerlasuunik droniteqarput, tamanut illersorluni akiuunnissaq ajornakusoortilerlugu akisuunngortillugulu. Silaannakkut illersornikkut raketi igeriuttagaq ataaseq 2-3 mio. USD-nik akeqarsinnaavoq.



**Sakkutooqarnikkut teknologit nutaaliaalluinnartut sakkutuulersornikkut peqatigiinnit pikitsitsiniaqatigiinllu aarlerisaarneqarnissaq annertusitippaat**

Kangia Qiterlermi Afrikamilu pikitsitsiniaqatigiit sakkutuulersornikkullu peqatigiit ilanngullugit Yemenimi Houthi-mik ingerlatsisut, Irakimi sakkutuulersornikkut peqatigiit iranimik illersuisut, Libanonimi Hizbollah Sudanimilu Rapid Support Forces tamarmik soorlu droninik, raketsit igeriuttakkannik ungasissumut anngussinnaasunik sakkoqarput. Piumagunik akeqqatik sakkunik taakkuninnga saassunnissaannik aarlerisaarisinnaapput, sumiiffiit imminniit ungasissorujuit angusinnaallugit.

Kangia Qiterlermi pikitsitsiniaqatigiit sakkutuulersoqatigiillu pingaarnerpaamik nunani killerni naleqartitanut akerliullutillu kusaginninngitsuupput, tamakkulu ilagaat nunani killerni politikikkut, aningaasaqarnikkut, sakkutooqarnikkullu siuttuunerit. Gazami akerleriinnerit Israelillu tiguakkamini Vestbredimi iliuusai USA-llu tapersersuina ilanngullugu akerliunermut kusaginninnginnermut ilasaataapput.

Naliginnaasumik sakkutooqarnikkut sakkut atortuinik pissarsinissaq akikinnerulerlunilu ajornannginnerulersimavoq. Tamatuma siornatigut naalagaaffinni sakkutooqarfiit kisimik pissarsiarisinnaasaannik eqimattat pissarsinissaannik periarfissippaat, namminerlu sakkunik ineriartortitsillutillu nutaaliaalluinnartunik sanasinnaalersimapput.

Pikitsitsiniaqatigiit sakkutuulersornikkullu peqatigiinniat sakkutooqarnikkut teknologit nutaaliaalluinnartut atornerisigut periarfississinnaavaat unammillertitsik sakkutooqarnikkut peqatigiinniat allat naalakkersuisoqarfinnilu akeqqatik akerlilersorlugillu qunusaarnissaannik. Eqimattat taakku ilaatigut angallassisoqarfiit nukissiorfeqarfiillu soorlu nunanut tamanut timmisartoqarfiit nukissiuutinullu akuiaaffiit qunusaarsinnaavaat. Taamaattumik pikitsitsiniaqatigiit sakkutooqarnikkullu peqatigiinniat akeqqatik pissaaneqaraluartut politikikkut, nunanut allanut attaveqaveqarnikkut, aningaasaqarnikkullu pissusilersornerinik allanngortitsiniarsinnaapput.

Yemenimi Houthi-mik ingerlatsisut, Iranimiunit tapersersukkat, Europap Kangiatalu akornanni immakkut niuernarnermi aqutini pingaarnerni sulit qunutisippat. Taakku 2023-p naalerneraniit Israelip Hamasillu akerleriinnerannut qisuariaatitut Det Røde Havimi Adenbugtemilu umiarsuar-nik saassusisarput. Tamanna Det Røde Havimi umiarsuit ni-

uffagiutit angallannerannik annertumik annikillititsisima-voq. Aammattaaq Houthi-mik ingerlatsisut Israelimut dronit raketsillu igeriuttakkat atorlugit saassussisarsimapput, saassussinerillu Israelimit USA-millu akineqartarsimapput.

Houthi-mik ingerlatsisut saassussisarnermini qularnanngit-sumik sumiiffimmi immikkoortumi akeqqat, pingaartumik Saudi-Arabia De Forenede Arabiske Emiratil-lu qunutilersimavai. Nunat taakku marluk Yemenimi Houthi-mik ingerlatsisut politikikkut sakkutooqarnikkullu akeraannut pilersu-isuupput pingaarnerit, ukiunilu kingullerni taakkununga akerliliisunik sakkutooqarsimallutik. Nunat saniliusut ukiunilu arlalinni akeraasut, assersuutigalugu Houthi-mik ingerlatsisunut akiuiniaarnaarsimapput. Taamaakkaluartoq nunat taakku marluk upernaami 2025-mi USA-p Yemenimut saassusserujussuarnera atorluangilaat namminneq taper-siillutik imaluunniit akeqqanut sakkutooqarnikkut saassus-sillutik. Tamatuma saniatigut Den Arabiske Halvømi nunat USA-p tassani sakkutooqarfinniit Houthi-mik ingerlat-sisunut tassungalu aningaasaliisartunut Iranimut saassus-sinerit unitseqqusimavaat. Tamatumunnga pissutaavoq Arabiami nunat USA-p Iranimut Houthinullu akerleriinneran-ni arlaannulluunniit kalluunnaveersaarmata.

Houthi-mik ingerlatsisut Israelimut umiarsuakkullu angal-lannermut saassussisarnerisa iluaqutai sakkutooqarnikkut peqatigiinnianut allanut isumassarsititsisinnaapput nam-minneq aamma sakkut ungasissumut anngussinnaasut atorlugit saassusinissaannut. Taamaassappat sakkut nuta-aliaat ungasissumut igeriuttakkat siornatigut piffinni akerle-riiffinnuunnaq atorsimagaluartut siaruarneri piffinnut aala-jangersimasunat aarlerisaarutitut ator-neqarnerujartorsin-naapput.

**Iranip naalagaaffimmut peqqarniisaarniarneq Israelimut Europamilu isornartorsiuisunut atorpaa**

Iranimi naalagaaffiup isertortumik paasiniaasartui 1979-mi mumisitsinerup kingornaniit Iranimut akerliuniaqatigiinnut, tusagassiorfinnut inunnullu ataasiakkaanut, Iranip naalak-kersuisuinut akerliunianut naalagaaffimmi peqqarniisaarni-arneq atorlugu saassusisarput. Ukiulli kingulliit ingerlanerini iranimi naalagaaffiup isertortukkat paasiniaasartui aamma Israelimiunut juutinullu Europami Nunanilu Avannarlerni najugalinnut saassussinisanut piareersaatini akuusarsi-mapput. Tamatumunnga pissutaavoq Gazami pisoqarnera kiisalu Israelip Iranillu akornanni, Iranillu piffimmi suleqataa nut akerleriissuteqarnerit.

Irani Israelimut Europamilu isornartorsiuisunut, naalakkersuisuminut akornusersuisinnaasorisaminut, annertusiar-tortumik illersorniarluni sorsuuteqartuurtut imminut isigaaq. Taamaattumik Iranip pissusissamisoorsoraa Iranimut isornartorsiuisunut nunarsuarmi tamarmi Europamilu aamma inissisimasunut saassussinissaq.

Iranimili naalakkersuisuit naalagaaffimmilu isertortumik paasiniaasartut sinniisut, Europamit nunanillu Iranip sani-liinit pissarsiatik atorlugit saassussititsisarput saassus-sinernut namminneq toqqaannartumik attaveqannginertik takutinniarlugu. Iranip saassussinermi sinniisui inuit ataasiakkaajusinnaapput imaluunniit pinerlunniartartoqatiinni ilaasortaallutik, Irani sinnerlugu iliuuseqarnertik immaqa ilisimanagu.

#### Islamisiortut sakkutuui Afrikap ilaani siuariartorput

Islamisk Stat Al-Qaidalu naalagaaffinnut Afrikamiittunut sanngiitsunut siaruariartorput. Islamisiortut sakkutuuisa Afrikap kitaata tungaani siaruariartornerinut inuit amerlavallaarneri peqqutaasut pingaarnersaraat, piitsuuneq, suliffissaaleqineq, politikkikkut aningaasaqarnikkullu assigiingissuteqarnerit. Tamanna minnerunngitsumik atuuppoq Malimi, Burkina Fasomi, Nigerimi Nigeriallu avannaata tungaani. Afrikap kitaata tungaani islamisiortut sakkuisa siaruariartornerannut peqqutaavoq nunani arlalinni pissutsitigut sanngiilliiornerit. Islamisiortut sakkutuuisa Afrikap qingaa-sartaani inissinnerinut pissutsit taariikkat assigisaanninik pissuteqarpoq. Tamaani al-Shabaab, al-Qaidap ilaatut Somaliap annertunersaani naalakkersuivoq aammalu Kenya-miilluni Etiopiamiillunilu.

Islamisk Stati al-Qaidalu sulii Afrikap kitaatungaanut assersuutigalugu aallartitaqarfinnut aarlerisaarutaapput. Ukiuni kingullerni pingaartumik innuttaasut nunanit killerneersut tigusarineqarsinnaanerit aarlerinarsisimavoq. Aningaasat aggrorsimasut eqimattanut taakkununga aningaasarsiu-taapput pingaarutillit. Amerlasuutigut pinerlunniat taakku sumiiffimmi pinerlunnianik ilalertarput, taakkulu nunanit killerneersunik tiguaasusarput, tiguagartillu al-Qaidamut imaluunniit Islamisk Statimut tunisarlugu. Afrikamili Al-Qaidap Islamisk Statillu sulii piffimmi sillimaniarnikkut sullis-sisut inuinnaalluunniit tigusariniartarpaat.

#### IRANIP SINNIISUT ISORNARTORSIUISUNUT EUROPAMILU EQQORNIAKKAMINUT PEQQARNIISAARNIARTITTARPAI

Iranip Europami peqqarniisaarniarnernut attuumassute-qarnini malugitinnaveersaarniartarpaa. Taamaattumik Iranip inuit ataasiakkaat imaluunniit pinerluttut saassus-sinernut atortarpai. Tulliullugit takutitat assersuutaapput qanoq taakku ingerlasarnerannik.

#### IRANI



Iranimi naalagaaffiup isertortukkut paasiniaasartuinit sakkutuut naalagaat isertortumik paasinaasartut naalakkiipput...



...Iranimi naalagaaffiup isertortuk-kut paasiniaasartuinit sakkutuut naalagaasa aquttuat attave-qaaqullugu...



...Iranimi naalagaaffiup isertortukkut paasiniaasartuinit aqqissukkamik sinniisunut ass. pinerlunniatqatigiinniit suliarinnittussarsioqqullugit...



...nunani killerni pinerlunniartartut akornannit sinniisussanik saassussisussanik...



...Iranip naalakkersuisuinut isornartorsiuisunut imaluunniit nunani killerni israelimiut imaluunniit juutit eqqorni-arlugit.

#### NUNAT KILLIIT

Afrikami piffinni arlalinni Islamisk Statip sakkutuut allamiut immiut kajungilersittarpai, pingaartumik Afrikami nunanit allaneersut, aammali Europameersut. Islamisiortut sakkutuut europaminngaaneersut Afrikami peqqarniisaarniartartoqatiinnut ilanngussimasut, Europami islamisiortunut sakkutuunut attaveqarfik atortarpaat. Amerlanertigulli islamisiortunut sakkutuunut Afrikamiittunut ilanngunniarnerat ajornakusoortarpoq. Taamaattoqartillugu, amerlanertigut nunaminniinnaqquneqartarput, nunaminni saassuseqqullugit imaluunniit allatut tapersersueqqullugit assersuutigalugu aningaasanik nuussinikkut. ■

### AFRIKAMIT NUNASINIAT EUROPAMUKAAPPUT

Afrikamit nunasiniat suli Europamukaasasapput. Ukiulli kingullit ingerlanerini Afrikamit Europami nunasiniat assigiinngisitaartut ikilisimapput. Tamanna EU-mi ilaatigut Afrikap avannaani kitaanilu nunat arlallit isumaqatigiissuteqarfiginerisigut, unioqqit-silluni allamut nunasiniarnerit assigiinngisitaartut unitsinniaqqullugit suliniuteqarnernit pissuteqarput.

Nunasiniartut assigiinngisitaartut amerlasussaapput apparaluartoq, Afrikamit Europamut nunasiniarluni aallarnernut pequtaasut suli taakkuupput. Piitsuuneq, suliffissaaleqineq, politikkikkut naqisimaneqarneq, akkerliinnerit innuttaasullu amerliartupiloernerat inuit Afrikamiit Europap tungaanut nunasiartortuarnissaannut kajumissaataapput. Pissutit taamaapput pingaartumik Afrikap kitaatungaani sumiiffinni akkerliittoqarfiusuni, piffinnilu annertuuni islamisiortut sakkutuuisa tiguarsimasaanni. Aammataaq piffimmi tassani nunat arlallit pissutsinut Nunanit killerneersunit immiut avinngarussimatiput, aningaasaqarnikkut pissutsit ajoreeqisut suli ajorninngortillugit. Ukiut tulluusa amerlasuut ingerlanerini pissutsit taamaalisimane-risa allanngornissaannik malunniutissaqanngilaq.

### TALERPILLIIT INGASSAASSINIARTAR- TUINIT AARLERISAARINEQ ARLARIINNIK AALLAAVEQALERSIMAVOQ

Europami talerpilliit ingasaassiniartartunit aarlerisaareriatsit ineriartortinneqarput. Ingasaassiniartartut internetikkut inuinnartigullu attaveqaate-qarput. Pingaartumik talerpilliit ingasaassiniar-tartut Active Club-netværki Nunani killerni tamani siaruarsimapput peqatigiiffinni timikkut sungiusar-nerit nationalismu taalutarlugit ingerlatsillutik.

Talerpilliit ingasaassiniartartunit peqqarniisaarto-qarsinnaanera annertuumik inunnit ataasiakkaanit aallaaveqarpoq, ingasaassinissamik nalunaarusiat videollu saassussisinnermut tunngasut isumassar-siorfigalugit nanimmeq peqqarniissarluni saassussi-nissamik pilersaarusiortoqarneratigut. Nalunaarusi-at suli inuusunnerusunut sammipput. Tamatuma talerpilliit ingasaassiniat utoqqaanerit ingasaassini-arnermik inuusunnernik ilinniartitseriarluni nammin-neq anguniakkaminnut atornerlueriataarnissaat annertusivaa.

Tamanna ilutigalugu ingasaassiniat kikkuneri paasinanngitsut russit naalakkersuinikkut ingerlatsi-viannut attavillit, talerpilliit ingasaassiniartartoqati-giivnut timitaliillutik digitalikkullu ingerlatsisunut tapersersuisartut, ingasaassillutillu persuttaanis-samut kaammattortaraat ilimanarpoq. Pingaartu-mik talerpilliit ingasaassiniartartut Europamilu peqqarniisaarlutik saassussisinnaanngortillugit digitalikkut ingerlatsivii isumassarsiorfiusarput. Tamatuma saniatigut ilimanarpoq Ruslandip ingasaassiniartartut Europami politikkikkut talerpil-lerni inissisimasut suli tapersersorai, Europami nunat akornanni ingerlatsinerup patajaakkunnaar-sinnissaa anguniarlugu.

Talerpilliit ingasaassiniartartut politikkikkut aalas-sassimaarnerit, inuiaqatigiinni avisaartuunnerit akkerliinnerillu atorluarniartarpaat eqqunngitsunik paasisutissanik siaruarteralutik isumaqatiminnik pilersitsiniutigalugit. Tamatuma saniatigut inuiaat assigiinngitsut imaluunniit upperisaqarnikkut ikinnerussutillit akornanni nakuusernertut peqqar-niisaarniarnernullu kaammattuisarput. Tamatumun-ga assersuutaasinnaapput 2024-mi 2025-milu Tuluit Nunaanni Irlandillu avannaani perulluliortoqar-nerit, nunasinianik tikilluaqqusinnngitsunut isumaqa-tissarsiornerit annertuut asycenterinut perullulior-nernik, ikuallatsitsinernik politiiinllu saassunernik kinguneqarmata.

## ISUMASIUTIT


**ISIKKIVIK**-up atuarnissaa ajornaallisarniarlugu oqaaseqatigiilioriaatsit naatsumik nassuiarneqas-sapput, FE-p isertortukkut paasiniaanernik misissui-nermini atortagai.

### Naliliinerit tutsuiginassusiisa agguarneri

Qaqutigoorpoq naalagaaffiup isertortumik paasiniaasuisa nalorninngilluinnarlutik naliliisarnerat. Taamaattumik misissueqqissaartartut naliliinermik tutsuiginassusia atuartuminnut erseqqissarniartarpaat. Tamanna pisarpoq tutsuiginassutsit assigiit oqaatigissagaangamikkut assigiimmik oqariartuuteqartarnikkut.

Tamaattumik FE-p tutsuiginassutsimut uuttuutit aalajangersimasut atortarpai, pisussap ilimanassusiata qaffasissusia tallimanut alliertortunut agguarlugu. Pisussap ilimanassuiata qaffasissusia naliliinermi nalunaarutaavoq, statistik atornagu missiliusiaq. Naliliinerup aallaavigisarpaa isertortumik paasiniaasarfiup tunngavigisai qanoq pitsaatingersut, pisallu oqaatigiuminassusia apeqquataasarluni.

Pisussat ilimanassusiisa qaffasissusiisa agguarneri:



### Kallerriinissami piffissap sivilissusia

|                        |                  |
|------------------------|------------------|
| Qaammatit ikittut:     | Sivikitsuaraavoq |
| Ukiut 0-2:             | Sivikippoq       |
| Ukiut 2-5:             | Sivisuneruvoq    |
| Ukiut 5-10:            | Sivisuvoq        |
| Ukiut 10 qaangerlugit: | Sivisoorujuvoq   |



Qaammataasiamit assillisaq, 2024-mi septemberimi Toropetsimi Ruslandimiit-  
tumi dronip imassaasivissuarmik saassussinarata kingorna aserorterinerit.  
Afp Photo/AFP/Ritzau Scanpix



Forsvarets Efterretningstjeneste  
Kastellet 30  
2100 København Ø

Telefon: 3332 5566  
[www.fe-ddis.dk](http://www.fe-ddis.dk)